

卷121  
673  
部五:18



文獻通考卷第五十八



鄱陽馬端臨貴與著

職官考十二

樞密院

唐代宗永泰中置內樞密使始以宦者爲之初不置司局但有屋三楹貯文書而已其職掌惟承受表奏於內中進呈若人主有所處分則宣付中書門下施行而已永泰中宦官董廷秀參掌樞密事元和中劉光琦梁守謙爲樞密使長慶中王守澄知樞密事舊左右軍容多入爲樞密亦無視事之廳後僖昭時楊復恭西門季元



欲奪宰相權乃於堂狀後帖黃指揮公事此其始也後  
梁革唐世宦官之弊開平元年改樞密院爲崇政院命  
敬翔爲使始更用士人其備顧問參謀議於中則有之  
未始專行事於外也唐莊宗同光元年復以崇政院爲  
樞密院命宰臣郭崇韜兼使又置院使一人然權侔宰  
相矣晉天福中以桑維翰知樞密院事四年廢樞密院  
以劉處謙兼樞密奏議多不稱旨及處謙丁內憂遂廢其院開運元年復置以宰臣  
桑維翰兼使周顯德六年范質王溥並參知樞密院事  
宋朝樞密院與中書對持文武二柄號爲二府院在中  
書之北印有東院西院之文而共爲一院但行東院印

建隆元年以魏仁浦吳興祚爲樞密使趙普爲副使周  
未闕副使至是始置太平興國四年以石熙載爲樞密  
直學士以簽書院事直學士六人備顧問應對然未嘗  
盡除簽書之名始此淳化三年以張遜知院事溫仲舒  
寇準同知院事同知院之名始此治平中以郭達同簽  
書院事同簽書之名始此舊制樞密院有使則置副使  
有知院則置同知如置知院則當爲副使者皆改同知  
若置使則同知復改爲副使熙寧元年文彥博呂公弼  
爲使韓絳邵亢爲副使時陳升之三至樞府神宗欲稍  
異其禮乃以爲知院於是知院與使副並置矣元豐改



官制議者欲廢密院歸兵部神宗曰祖宗不以兵柄歸有司故專命官統之互相維制不從然以密院聯職輔弼非出使之名乃定置知院同知院二人餘悉置職事多所釐正細務分隸六曹專以兵機軍政爲職而契丹國信民兵牧馬猶總領焉中興初有知院同知院簽樞同簽樞不置樞密使副使紹興七年張魏公旣薦秦檜未欲其與己並又以故相不可除他官乃先白高宗降旨以本兵之地事權宜重特除樞密使秦檜首復除樞使王敏節副之旣而張劉二將並除樞密使岳飛副之合典故矣近歲張俊汪徹虞允文王炎王淮周必大王

簡趙汝愚繼除樞使其副止稱同知蓋相承之誤

石林葉氏曰梁改樞密院爲崇政院唐莊宗復舊名遂改爲樞密院直學士至明宗時安重誨爲樞密使明宗旣不知書而重誨又武人故孔循始議置端明殿學士二人專備顧問以馮道趙鳳爲之班翰林學士上蓋樞密院職事官也本朝樞密院官旣備學士之職寢廢然猶會食樞密院每文德殿視朝則升殿侍立亦不多除人官制行乃與職事皆爲職名爲直學士之冠不隸樞密院升殿侍立爲樞密都承旨之任每吏部尚書補外除龍圖



閣學士戶部以下五曹則除樞密直學士相呼謂之密學  
容齋洪氏隨筆曰唐世樞密使專以內侍爲之與他使均稱內諸司五代以來始參用士大夫遂同執政按實錄所載景德二年三月元德皇后忌中書樞密院文武百官並赴相國寺行香初樞密院言舊例國忌行香惟密院使副依內諸司例不赴恐有虧恭恪今欲每遇大忌日與中書門下同赴行香從之樞密使副翰林樞密直學士並赴自茲始也然則樞密之同內諸司久矣隆興以來定朝

臣四參之儀自宰臣至於郎官御史皆班列殿庭拜舞惟樞密立殿上不預亦此意云  
按樞密之名始於唐代宗寵任宦者故置內樞密使使之掌機密文書如漢之中書謁者令是也若內中處分則令內樞密使宣付中書門下施行則其權任已侔宰相至僖昭間楊復恭西門季元之徒遂至於視事行文書矣昭宗天復元年旣誅劉季述乃敕近年宰相延英奏事樞密院侍側爭論紛然旣出又稱上旨未允復有改易撓權亂政自今並依大中舊制俟宰相奏事畢方得升殿承受



公事蓋當時所謂樞密使者專橫如此朱梁懲唐弊不用宦者然徒知宦者之不可用而不知樞密院之不必存也乃復改爲崇政院以敬翔爲使至後唐而復樞密院郭崇韜安重誨相繼領其事皆腹心大臣則是宰相之外復有宰相三省之外復有一省矣宋興始以樞密與中書對持文武二柄號稱二府然後樞密院之設始專有職掌不爲贅疣然祖宗時樞密院官雖曰掌兵亦未嘗不兼任宰相之事景德四年中書命祕書丞楊士元通判鳳翔府樞密院命之掌內香藥庫兩府不相知宣

敕各下乃詔自今中書所行事關軍機及內職者報樞密院樞密院所行關民政及京朝官者報中書是樞密院得以預除授之事也又是平命宰臣王旦監修兩朝正史知樞密王欽若陳堯叟參知政事趙安仁並修國史是樞密院可以預文史之事也至慶歷以後始以宰相兼樞密使及元豐官制行欲各主其名遂不復兼乃詔釐其事大小大事三省與密院同議進呈畫旨稱三省樞密院同奉聖旨三省官皆同簽書付樞密院行之小事樞密院獨取旨行訖關三省每朝三省樞密先同對



樞密院退待於殿廬三省始留進呈三省事退樞  
密院再上進呈獨取旨遂爲定例然熙寧初以司  
馬溫公爲樞密副使公以言新法不見聽力辭上  
使人謂之曰樞密兵事也官各有職不當以他事  
辭其時文潞公亦在樞府雖持正論終不能抑新  
法之行至哲宗初卽位蔡確爲相溫公爲門下侍  
郎章惇知樞密院溫公欲復差役法而確言此大  
事當與樞密院同議取旨惇果駁溫公所言然則  
密院雖可以參謀三省之事而又在所以委任之  
者如何溫公潞公當熙寧之時與國論不合則欲

其專任本兵不預他事蔡確當元祐之初欲引章  
惇以自助則欲其共立異議陰排正人至紹聖以  
後則兩府皆儉人附會紹述更無異議亦不復聞  
以文馬之儔參錯其間矣

### 樞密使

### 五代置樞密使

宋朝國初因之

詳見樞密院門

建隆二年以樞密副使兵部侍

郎趙普爲檢校太保充樞密使不帶正官自普始也又

以宣徽北院使李處榮爲南院使兼樞密副使

自五代以來凡

樞密院官皆文武參用大中祥符七年以王嗣宗  
曹利用並爲檢校太保充樞密副使亦不帶正官

乾隆十二年校刊

職官十二

六



九年以曹彬為樞密使領忠武軍節度使帶節度自此始也至道三年以鎮國軍節度曹彬兼侍中充樞密使彬自節鎮入罷旄鉞太平興國六年以樞密副使石熙載為戶部尚書充樞密使以文資正官充使自此始也大中祥符五年以知樞密院王欽若陳堯叟同中書門下平章事充樞密使儒臣為樞使兼使相自此始也皇祐五年制以樞密使高若訥為尚書左丞觀文殿學士兼翰林侍讀學士同羣牧制置使故事罷樞密使當學士降麻及若訥罷但令舍人草詞遂以為例元豐官制行罷使副紹興七年詔樞密本兵之地事權宜重可依故事置樞密使副使閏月詔宰臣

兼使同月詔樞使立班序立依宰相例乾道五年以虞允文為樞密使立班恩數並依宰臣

宰相兼樞密使

樞密使帶相印為樞相自後唐始

宋初魏仁浦以宰相兼樞密使後罷慶歷二年二邊用兵富弼言邊事係國安危國初范質王溥以宰相兼知樞密事今兵興宜令宰相兼領仁宗然之令中書同議樞密院事呂夷簡為首相曰恐樞密謂臣奪權時諫官亦論宰相宜知兵事遂降制以宰相判樞密院或曰二府體均判字太重乃改為兼樞密使建炎初置御營司



以宰相爲之使四年罷之以其事歸樞密院機速房以  
宰相范宗尹兼知樞密院自慶歷後宰相不兼樞密者  
八十餘年其兼自此始紹興七年令宰臣張浚兼樞密  
使趙鼎秦檜亦以左右僕射兼紹興二十五年秦檜死  
乃詔依祖宗故事更不兼領其後或兼或否至開禧而  
宰臣兼使爲永制矣

### 知樞密院

晉天福初桑維翰以翰林學士尚書禮部侍郎知樞密  
院事知院之名始此

宋初不置淳化二年樞使王顯出鎮始以張遜知樞密

院事知樞密院同知院並正二品知院掌佐天子執兵  
政而同知院爲之副凡邊防軍務常與三省分院稟奏  
事干體要則宰相執政官合奏神宗正史元豐官制行  
廢樞密使政和末鄧莘公官至少保猶止爲知院焉中  
興初宰相兼樞密只兼知院

容齋洪氏隨筆曰國朝樞密之名其長爲使則其  
貳爲副使其長爲知院則其貳爲同知院如柴禹  
錫知院向敏中同知及曹彬爲使則敏中改副使  
王繼英知院王旦同知繼馮拯陳堯叟亦同知及  
繼英爲使拯堯叟乃改簽書院事而恩例同副使



王欽若陳堯叟知院馬知節簽書及王陳爲使知節遷副使其後知節知院則任中正周起同知惟熙寧初文彥博呂公弼已爲使而陳升之過闕留王安石以升之曾再入樞府遂除知院知院與使並置非故事也安石之意以沮彥博耳紹興以來唯韓世忠張浚爲使岳飛爲副使此後除使固多而其貳只爲同知亦非故事也又使班視宰相而乾道職制雜壓令副使反在同知之下

又曰趙汝愚初拜相陳騤自參知政事除知樞密院趙辭不受相印乃改樞密使而陳已供職累日

朝論謂兩樞長又名稱不同爲無典故然熙寧間陳升之知樞密院文彥博呂公弼爲使乃知院與使並命故事也

同知樞密院

五代有參知樞密院事

詳見樞密院

宋朝國初闕淳化二年王顯出鎮張遜知樞密院事始以溫仲舒寇準同知院同知之名自此始也元豐官制行廢使副存同知紹興中高宗以本兵之地事權宜重依祖宗故事置樞密使而知院同知院亦仍舊由是並除



文獻通考卷五十一  
九  
簽書樞密院 同簽書院事

宋太平興國四年石熙載以樞密直學士簽書院事簽書之名自此始也八年張齊賢王沔並以右諫議大夫簽書樞密院事端拱元年以內客省使楊守一爲宣徽北院使簽書密院事景德三年韓崇訓檢校太傅馬知節爲檢校太保並簽樞密院事天禧四年以華州觀察使曹瑋爲宣徽北院使鎮國軍留後簽書樞密院事簽書兼藩鎮自此始也元豐官制行使副簽書悉罷元祐初復置簽書樞密院事初除皆帶密直及罷政乃拜端明殿學士靖康初李回首拜延康殿學士簽書延康今

爲端明自是遂爲故事

樞密院舊無同簽書院事者治平中始以郭達爲之簽書大抵以處資淺之人若簽書一經親祠方進同知及樞副若武臣權預國政只除同簽書

容齋洪氏隨筆曰樞密使副使知院事同知院事簽書同簽書之別雖品秩有高下然均稱爲樞密明道中王沂公自故相召爲檢校太師樞密使李文定公爲集賢相以書迎之於國門稱曰樞密太師相公予家藏此帖紹興五年高宗車駕幸平江過秀州執政從行者四人在前者傳呼宰相趙忠



簡也次呼樞密張魏公也時為知院事次呼參政  
沈必先也最後又呼樞密則簽書權朝美云予為  
檢詳時葉審言黃繼道為長貳亦同一稱而二三  
十年以來遂有知院同知之目初出於典謁街卒  
之口久而朝士亦然名不雅古莫此為甚

### 都副承旨

五代有承旨副承旨以諸衛將軍充

魏仁浦為樞密副承旨周祖問屯兵

之數及將校名氏令取簿參視之仁浦曰臣悉能記之遂口占以對無一差誤

宋太平興國中以楊守一充都承旨都承旨自守一始  
也是時都承旨副承旨多用士人真宗後稍稍遂用吏

人歐陽修建言請復舊制不克行熙寧二年始以東上

閣門使李評為樞密都承旨李綬為之副不用院吏而

更用士人自評始也

續會要初評受命文潞公為樞使以舊制見不為禮評訴於上命檢

故事不獲乃詔都承旨副承旨見樞密使副並如閣門使禮

熙寧五年以尙書比部

員外郎集賢校理同修起居注曾孝寬為起居舍人充

史館修撰兼都承旨先是或用士人亦止於右職中選

用文館兼領自孝寬始也元豐三年用張誠一為客省

使都承旨自是都承復用武臣元祐中復以文臣帶待

制充都承旨

哲宗職官志

至崇寧以後則專用武臣矣

四朝志

紹興二年權禮部侍郎趙子畫充徽猷閣待制密院都



承旨自改官制後除文臣自子畫始

中興系年錄

建炎四年

高宗在會稽以武臣辛宗道爲都承旨頗用事紹興元年十二月辛宗道旣免乃詔依元祐職制置都承旨一員並差兩制爲之然但闡一二人而已淳熙中王抃久用事孝宗惡焉遂復用士人凡士人來出外亦中選員代檢詳實對甄同外賦出會考實爲賦出會入

檢詳之職古無之宋熙寧四年詔以編修經武要畧官四人王存陳侗陳奉世蘇液檢詳樞密院諸房文字禮遇視中書檢正官元豐三年詔定置三員及改官制檢詳官尋罷建炎三年樞密院請依祖宗朝置檢詳諸房

文字兩員叙位在左右司之下紹興二年詔樞密院已置都承旨一員減檢詳一員樞密請置二員從之三年詔樞密院諸房令檢詳書擬從左右司請也乾道二年詔樞密院檢詳係掌朝廷機要文字不許出謁及接見賓客亦令遵兩省官施行

### 編修官

編修官古無之慶歷四年史館王洙承旨單士寧編修例冊編修之名自此始熙寧二年樞密院乞將祖宗以來法制所宜施行於久遠者並與刪取大旨著爲畫一及聖政釐革檢尋本院文書以次記錄其事日日兵制



凡招揀屯戍訓練之類皆附焉曰馬政曰邊防曰夷狄  
曰屬國曰守城曰器械曰捕盜曰選材曰責效各以其  
事類相從一如兵制候編成策仍於逐門各留空紙以  
備書載將來處置事件從之詔以經武要畧爲名熙寧  
三年以館職王存顧臨等同編經武要畧兼刪定諸房  
例冊元祐四年詔密院條例久未編修又自官制後舊  
事例他司所存者亦未刪正命承旨司取索編修以奉  
議郎蔡駟宣德郎衛規充編修官舊以四員爲額紹興  
兵興裁省其半三年樞密請置檢詳二員編修止存一  
員後復編修官隨事置無定員以本院官兼者不入銜

大計宣徽院

唐置宣徽南北院使有副使

宦者嚴季實楊復恭皆嘗爲之

梁因之後

唐省副使院在樞密院北二使共院而各設廳事使各  
一人以檢校官爲之或領節度及兩使留後闕則樞密  
副使一人兼領二使亦有兼樞密副使簽書樞密院者  
南院使資望比北院使稍優然事皆通掌只用南院印  
掌總領內諸司及三班內侍之籍郊祀朝會宴饗供帳  
之事應內外進奉悉檢視其名物分掌四案曰兵案曰  
騎案曰倉案曰冑案其吏史則有都勾押官前行後行  
其給使則有知客押衙道引行首之屬故事與參知政



事樞密副使同知樞密事以先後入叙位  
宋熙寧四年詔位參知政事樞密副使同知樞密院下  
著爲令九年詔今後遇以職事侍殿或中書樞密院合  
班問聖體及非次慶賀並特叙二府班官制行罷宣徽  
院以職事分隸省寺而使號猶存初王拱辰治平中知  
宣徽院神宗卽位拜太子少保明年檢校太傅改宣徽  
北院使尋遷南院立班序位視簽樞元豐六年拱辰除  
安武軍節度使再任自此遂罷使名不復除獨太子少  
師張方平許依舊領南院使致仕哲宗卽位始遷太子  
太保而罷使名元祐三年復置南北院使儀品恩數如

舊制在京人從視簽樞六年以馮京爲南院使而張方  
平亦復使名中書舍人韓川言祖宗設此官禮均二府  
以待勲舊未嘗帶以致仕且宣徽武官也官保文官也  
不宜混併不聽方平亦固辭不拜七年馮京亦以使致  
仕紹聖三年議者言官名雖復而無所治之事乃罷之

按樞密宣徽院皆始於唐然唐之職官志及會要  
畧不言建置本末蓋因肅代以後特設此官以處  
宦者其初亦無甚司存職業故史所不載及其後  
宦者之勢日盛則此二官日尊及五代以來至於  
宋朝則皆以大臣爲之然樞密旣專掌兵事繁任



重故其官不可一日廢而副貳屬官亦不容不備  
宣徽位尊而事簡故常以樞密院官兼之或以待  
勲舊大臣之罷政者及官制行而事各有所隸則  
愈覺贅疣故遂廢罷云

### 將軍總叙

三代之制天子六軍其將皆命卿故夏書曰大戰于甘  
乃召六卿蓋古之天子寄軍政於六卿居則以田警則  
以戰所謂入使治之出使長之之義其職在國則以比  
長間胥族師黨正州長鄉大夫爲稱在軍則以卒伍司  
馬將軍爲號所以異軍國之名諸侯之制大國三軍次

國二軍小國一軍其將亦命卿也晉獻公初作三軍公

將上軍未有其號魏獻子衛文子始有將軍之稱

左傳曰晉

閭沒女寬謂魏子曰豈將軍食之而有不足注曰獻子爲中軍率故謂之將軍又禮記曰將軍文子之喪自

戰國置大將軍周末又置前後左右將軍秦因之位上

卿金印紫綬漢興置大將軍驃騎將軍位次丞相車騎

將軍衛將軍左右前後將軍皆金印紫綬位次上卿

後漢

志曰漢將軍比公者四謂大將軍驃騎車騎衛將軍

掌京師兵衛四夷屯警孝武

征閩越東甌又有伏波樓船及伐朝鮮大宛復置橫海

度遼貳師宣帝增以蒲類破羌權時之制若此非一亦

不常設光武中興諸將軍皆稱大及天下已定武官悉



省四征興於漢代四安四平起於魏初後漢有三鎮之稱魏有鎮北之號晉武帝重兵官故軍校多選朝廷清重之士居之置中軍將軍以統宿衛七軍及五王作難東海王越以頃興事皆由殿省乃奏宿衛有侯爵者皆罷之時殿中武官並封侯由是出者畧盡皆涕泣而去乃以東海國官領左右衛以國兵宿衛晉宋以來以領軍護軍左右二衛驍騎游擊將軍謂之六軍宋輿服志曰驃騎車騎衛將軍及諸將軍加大者皆金章紫綬武冠佩水蒼玉諸軍司馬銀章青綬朝服武冠其四安四平左右前後征虜等將軍及四中郎將晉代荀羨王胡之並居此官宋齊以來唯處諸王素族無爲者齊以二

衛四軍五校驍騎游擊積射強弩殿中員外殿中武衛七將軍殿中司馬左右及虎賁中郎將冗從僕射羽林監武騎常侍謂之西省而散騎爲東省梁武帝以將軍之名高下舛雜命更加釐定於是有司奏置一百二十五號將軍以鎮衛驃騎車騎爲二十四班四征四中爲二十三班八鎮爲二十二班八安爲二十一班四平四翊爲二十班凡三十六號爲重號將軍又有五德將軍忠勇軍師武臣瓜牙龍騎雲麾鎮兵翊師宣惠果毅智威仁威勇威信威嚴威智武仁武勇武信武嚴武是爲五德將以班多者爲貴凡十品二十四班品取其盈數班法氣候之數制簿悉以大號居後以爲選法自小遷



大也前史所記以位得從公故將軍之名次於台槐之下至是備其班品叙於百官之外凡一百二十五將軍後魏將軍之名多矣謂驃騎軍騎衛為三將軍末年有八柱國大將軍其中六人各督二大將軍凡十二大將軍元贊元育元廓侯莫陳順宇文遵達奚武李遠豆盧寧宇文貴賀蘭祥楊忠王雄等是也又各分統開府一人一開府領一軍兵是為二十四軍分掌禁旅當爪牙禦侮之寄自大統十六年以後功臣位至柱國及大將軍者衆矣咸是散秩無復統禦後周武帝三年改諸軍軍士並為侍官隋煬帝以左右衛左右屯衛左右禦衛左右候衛凡十二衛各置大將軍一人將軍二人以總府事每衛

各置長史錄事參軍司倉兵騎鎧等參軍員軍人總名衛士蓋魏周十二大將軍之

遺制唐武德初秦王既平王世充及竇建德高祖以秦

王功殊今古自昔位號不足以為稱乃特置天策上將

軍以拜焉位在王公上及升儲宮遂廢天策府二年七

月高祖以天下未定事資武力將舉關中之衆以臨四

方乃置十二軍分關中諸府以隸焉以萬年道為參旗軍長安道為鼓旗

軍富平道為元戈軍醴泉道為丹鉞軍同州道為羽林軍華州道為騎官軍寧州道為折威軍岐州道為平道

軍幽州道為招搖軍麟州道為苑遊軍每軍將一人副

涇州道為天紀軍宜州道為天節軍楊恭仁劉弘基長孫順德等為其將督耕戰之

一人取威名素重者為之備自是士馬強勁無敵於天下五年省七年以突厥寇



掠復置十二軍後又省之其後定制有左右衛左右驍  
左右武左右威左右領軍左右金吾左右監門左右千  
牛凡十六衛大將軍各一人左右衛及左右金吾總謂  
之四衛其餘謂之雜衛  
將軍總三十人左右千牛衛將軍各  
一人餘衛各二人左右羽林左右龍  
武左右神武六軍大將軍各一人將軍各三人皆有衛  
署其驃騎輔國鎮軍冠軍四大將軍雲麾勇武壯武宣  
威明威定遠寧遠游騎游擊等九將軍並爲五品以上  
武散官先天二年正月十日詔往者衛士計戶取充使  
二十一入幕六十出軍旣憚劬勞咸欲避匿今改取二  
十五以上充十五年卽放出頻經征鎮者十年放出自

今已後羽林飛騎先於衛士中簡擇開元六年始詔折  
衝府兵每六歲一簡自高宗武后時天下久不用兵府  
兵之法寢壞番役更代多不以時衛士稍稍去匿至是  
益耗散宿衛不能給宰相張說乃請一切募士宿衛十  
一年取京兆蒲同岐華府兵及白丁而益以潞州長從  
兵共二十萬號長從宿衛歲一番命左丞蕭嵩與州刺  
史共選之明年更號曰彍騎也肅宗以後有左右神策  
軍各置大將軍一人統軍各二人將軍各四人後唐長  
興三年勅衛軍神威雄威及魏府廣捷以下指揮宜改  
爲左右羽林置四十指揮每十指揮立爲一軍每一軍



置都指揮使一人兼分爲左右廂應順元年改左右羽  
林四十指揮爲嚴衛左右軍龍武神武四十指揮爲捧  
聖左右軍清泰元年改捧聖馬軍爲彰聖左右軍嚴衛  
步軍爲寧衛左右軍以爲古制  
宋朝承前代之制有左右金吾衛左右衛上將軍左右  
驍衛屯衛領軍衛監門衛千牛衛上將軍諸衛大將軍  
諸衛將軍並爲環衛官無定員皆命宗室爲之亦爲武  
臣之贈典大將軍以下又爲武臣責降散官政和申改  
武臣官制而環衛如故蓋雖有四十八階別無所領故  
也至於禁旅則有殿前司都副指揮使侍衛步軍馬軍

都副指揮總之孝宗時始令節度使領左右金吾衛上  
將軍承宣使領左右衛上將軍在內則兼帶在外不帶

左右衛 并親衛

漢京師有南北軍掌理禁衛 南軍若唐諸衛北軍若唐

是初有衛將軍魏末晉文王又置中衛將軍武帝受禪

分中衛爲左右衛將軍 以羊琇爲左趙序爲右 並置佐吏皆掌宿

衛營兵銀章青綬武冠絳朝服佩水蒼玉宋齊謂之二

衛各領營兵每暮一人宿直後增二衛儀從爲九十人

陳因之後魏永光初又增置左右衛將軍各二人北齊

二人分掌左右廂所主朱華閣以外各武衛將軍二人



貳之隋初左右衛大將軍各一人將軍各二人又各統

親衛煬帝改左右衛為左右翊衛又加置親衛并領勳武三衛煬帝改三衛

府皆無三侍其所領軍士名為驍騎唐復為左右衛

大將軍各一人掌宮掖禁禦將軍各三人貳大將軍事

宋有左右衛上將軍大將軍將軍中郎將郎並為環衛

官無定員皆命宗室為之亦為武臣之贈自大將軍以

下又為武臣責降散官

長史左右衛各一人晉武帝置左右衛各有長史司馬東晉省長史歷宋齊梁陳後魏北齊並同隋左右

衛各置長史一人唐因之

錄事參軍左右衛各一人東晉元帝初為鎮東大將軍置錄事參軍自後無聞梁皇弟皇子府有中

錄事參軍及錄事參軍各一人後魏二大公府及第一

第二第三品將軍府及始蕃王二蕃王三蕃王府各有

錄事參軍官北齊因之隋左右衛

府各有錄事參軍一人唐因之

倉曹參軍左右衛各二人東晉元帝為鎮東大將軍有倉曹參軍宋武帝相府亦置後魏與錄事參

軍同置北齊因之隋左右衛府各

有倉曹參軍一人唐因之置二人

兵曹參軍左右衛各二人歷代皆與倉曹同置

騎曹參軍左右衛各一人魏司馬景王為大將軍有騎兵宋武帝為相有騎兵參軍隋左右衛府有

騎兵參軍唐初因之其後改為騎曹

胄曹參軍左右衛各一人東晉元帝為鎮東大將軍有胄曹參軍宋武帝為相亦有之齊有左右鎧

曹各一人隋左右衛府有鎧曹行參軍事一人唐因之

長安初改為胄曹神武初復為鎧曹開元初復為胄曹

凡自十六衛及東宮十率府錄事及兵倉騎曹等曹參

軍通謂之衛佐並為美職漢魏以來諸將軍有長史以

乾隆十二年校刊

職官十二



下官屬及唐諸衛所置蓋亦因其舊號考其資位則全校微矣其下諸衛官屬並同

左右親衛中郎將府

中郎將之名秦漢以來有之隋每衛各置開府一員以統之唐武德

七年改開府為中郎將親衛為一府勳衛翊衛各為一府中郎將各一人掌領校尉以下宿衛總判府事唐

武德七年改親衛驃騎將軍為之其勳翊二衛亦然左右郎將一人隋備身府置左右郎將唐因其名武德

七年改親衛車騎將軍為之其勳衛翊衛亦然掌二中郎將之職錄事參軍一人掌受府事兵曹參軍一人掌判府事

校尉五人

左右驍衛

漢有驍衛將軍謂之雜號將軍武帝以李廣為之後省

後漢初改屯衛為驍騎魏置為中軍晉領營兵兼統宿

衛梁以來其任愈重天監六年置左右驍騎領朱衣直

閣並給儀從北徐州刺史昌義之首為此職出則羽儀

清道入則與二衛通直臨軒則升殿夾侍改舊驍騎曰

雲騎陳有左右驍騎及雲騎後魏北齊並有驍騎將軍

之職後周有左右驍騎率上士隋開皇十八年置備身

府煬帝即位改左右備身府為左右驍衛府所領軍士

名曰豹騎其備身府又別置焉唐因隋置左右驍衛府

龍朔二年去府字光宅元年改左右驍衛為左右武威

神龍元年復舊大將軍各一人所掌與左右衛同將軍

各二人以副之

領官屬並隋置唐因之同左右衛

宋制見總序



左右武衛

後漢末曹公為丞相有武衛營及魏文帝乃置武衛將軍以主禁旅晉宋齊梁陳隋又有建武奮武廣武等將軍至隋採諸武之名置左右武衛大將軍一人將軍各二人以總府事煬帝改所領軍士名熊騎唐光宅元年改為左右鷹揚衛神龍元年復為武衛其制與隋同所掌如左右衛領官屬並隋置唐因之同左右衛宋制見總序

左右威衛

隋初有領軍府煬帝改為左右屯衛唐因之貞觀十二

年左右屯衛始置飛騎出遊幸即衣五色袍乘六閑馬

賜猛獸衣韉而從焉龍朔二年改左右屯衛為左右威

衛而別置左右屯營亦有大將軍等官尋改左右屯營為羽林光

宅元年改威衛為豹韜衛神龍元年復舊所掌如左右

衛領官屬並隋置唐因之同左右衛龍朔二年左右威衛舊官之員外各置錄事參軍一人府三人史四人

並隸左右羽林軍統本司事

左右領軍衛

初魏武為漢丞相相府自置領軍非漢官也建安十二

年改為中領軍以史渙為之與護軍韓浩皆領禁兵文

帝受漢禪始置領軍將軍以曹休為之主五校中壘武



衛三營晉武帝初省使中軍將軍羊祜統一衛前後左右驍騎七軍營兵卽領軍之任也祜遷罷復置北軍中候懷帝永嘉中改中軍爲中領軍元帝永昌元年復改曰北軍中候尋復爲領軍成帝時復以爲中候而陶侃居之尋復爲領軍魏晉領護皆金章紫綬中領中護銀章青綬武冠絳朝服佩水蒼玉

晉郗鑒庾亮紀瞻下壺陸晷褚翼王彪之會稽

王道子沈嘉武陵王導孔安國謝鯤等並爲領軍

宋置領軍將軍一人掌內軍

護軍將軍一人掌外軍齊有領軍及中領軍梁領軍將軍管天下兵要謂之禁司與左右僕射爲一流中領軍與吏部尙書爲一流陳因之後魏有領軍護軍

二職若侍臣帶

者加中

又有領軍將軍護軍將軍二軍與領護不並置北

齊領軍府凡禁衛官皆主之以高歸彥爲領軍大將軍

領軍加大自歸彥始隋有左右領軍府各掌十二軍籍

帳差科辭訟之事不置將軍惟有長史司馬諸曹掾屬

等官煬帝改領軍爲左右屯衛

卽唐左右威衛

唐復採舊名別

置領軍衛分爲左右龍朔二年改爲左右戎衛咸亨元

年復舊光宅元年改爲左右玉鈐衛神龍元年復舊各

置大將軍一人掌宮掖禁備督攝隊伍與左右諸衛同

將軍各二人以副之

長史齊梁陳並有之北齊有長史司馬隋置錄事以下諸曹唐因之

同左右衛

乾隆十二年校刊

職官十二

三



宋為環衛官無定員無職事皆命宗室為之詳見靖康總叙靖康元年御史中丞陳過庭言請遵藝祖開寶初罷諸節度使歸環衛故事於是節度使錢景臻等並為左右金吾衛上將軍孝宗隆興初詔學士院討論環衛官制欲參酌祖宗時及唐太宗制如節度使則領左右金吾衛上將軍承宣使則領左右衛上將軍在內則兼帶在外則不帶正任為上將軍遙郡為大將軍正使為將軍副使為中郎將使臣以下為左右郎將通以十員為額宗室不在此例餘管軍則解或領閣門皇城之類則仍帶雖戚里子弟非戰功不除上謂宰相謂欲以此儲將才重

環衛如文臣儲才於館閣也

### 左右金吾衛

秦有中尉掌徼循京師

如淳曰所謂游徼徼循禁備盜賊也顏師古曰徼謂遮繞漢

武帝太初元年更名執金吾

顏師古曰金吾鳥名也按起居注天子出職主先導

以禦非常故執此鳥之象因以名官

緹騎二百人

緹騎無秩比史食俸

五百二十人

輿服導從光生滿路羣僚之中斯最壯矣

光武徼時歎曰仕宦當為

執金吾

舊掌京師盜賊考按疑事後漢掌宮外戒司非常

水火之事

衛尉巡行宮內金吾徼巡宮外相為表裏以擒姦捕猾

月三繞行宮外

及主兵器自中興但專徼循不與他政魏武秉政復為中尉晉初罷直至後周置武環率武侯率下大夫各二



人隋置左右武侯府大將軍一人將軍三人掌車駕出入先驅後殿晝巡夜察執捕姦非烽候道路水草所宜巡狩師田則掌其營禁煬帝大業三年改爲左右武侯衛所領軍士名佺飛漢百官表曰漢有左武右武衛太初元年更名佺飛掌弋射屬少府光武省之隋氏採舊名唐初又爲左右武侯府龍朔二年改爲左右金吾衛置大將軍一人所掌與隋同將軍二人副其事領官屬並隋置唐因之宋制見左右領軍衛門

### 左右監門衛

隋初有左右監門府將軍各一人掌宮殿門禁及守衛

事各置郎將二人校尉直長各三十人

有長史司馬錄事及倉兵二曹

參軍鎧曹行參軍各一人二漢有城門校尉掌京師城門屯兵非唐時任

煬帝改將軍爲郎

將各一人正四品置官屬並同備身府唐左右監門府

置大將軍中郎將等官龍朔二年改府爲衛大將軍各

一人所掌與隋同將軍各二人以副之中郎將各四人

分掌諸門以時巡檢

領官屬並隋置唐因之

宋制見總叙

### 左右千牛衛

千牛刀名後魏有千牛備身掌執御刀因以名職

謝綽宋拾

遺有千牛刀卽人君防身刀也齊尚書楊玉夫取千牛刀殺蒼梧王是也其義蓋取莊子云庖丁解牛十九年



所割者數千牛而刀刃若發於礪因以為備身刀名

北齊千牛備身屬左右將軍

隋有左右領左右府大將軍一人將軍二人掌侍衛左

右供御兵仗領千牛備身十二人掌執千牛刀備身左

右十二人掌供御刀箭備身十六人掌宿衛侍從

左右置長史司馬錄事及倉兵二

曹參軍事鎧曹行參軍煬帝改左右領左右府為左右

備身府置備身郎將等官唐貞觀中復為左右領左右

府顯慶五年始置左右千牛府龍朔二年改左右千牛

府為左右奉宸衛後改為左右千牛衛神龍二年各置

大將軍一人所掌與隋同總判衛事將軍各一人以副

之中郎將各一人通判衛事

領官屬即隋左右領左右右府長史以下唐改之

右千牛備身各十二人掌執御刀宿衛侍從

皆以高廕子弟年少姿容美麗者補之為

備身左右十二人

執御刀弓箭貴胄起家之良選

身各一百人

掌宿衛侍從宋制見總叙

左右羽林衛

漢武太初元年初置建章營騎後更名羽林

象天文羽林星主車也 宣帝令中郎將騎都尉監羽林謂之羽林中郎將領

所割者數千牛而刀刃若發於礪因以為備身刀名

北齊千牛備身屬左右將軍

隋有左右領左右府大將軍一人將軍二人掌侍衛左

右供御兵仗領千牛備身十二人掌執千牛刀備身左

右十二人掌供御刀箭備身十六人掌宿衛侍從

左右置長史司馬錄事及倉兵二

曹參軍事鎧曹行參軍煬帝改左右領左右府為左右

備身府置備身郎將等官唐貞觀中復為左右領左右

府顯慶五年始置左右千牛府龍朔二年改左右千牛

府為左右奉宸衛後改為左右千牛衛神龍二年各置

大將軍一人所掌與隋同總判衛事將軍各一人以副

之中郎將各一人通判衛事

領官屬即隋左右領左右右府長史以下唐改之

右千牛備身各十二人掌執御刀宿衛侍從

皆以高廕子弟年少姿容美麗者補之為

備身左右十二人

執御刀弓箭貴胄起家之良選

身各一百人

掌宿衛侍從宋制見總叙

左右羽林衛

漢武太初元年初置建章營騎後更名羽林

象天文羽林星主車也 宣帝令中郎將騎都尉監羽林謂之羽林中郎將領

乾隆十二年校刊

職官十二

三



羽林右騎 取從軍死事之子孫養之羽林官教以五兵皆六百石

號曰羽林孤兒光武中興以所征伐士勞苦者為之其

後復簡五營高手別為左右監羽林父死子繼與虎賁

同所居之處謂之寺 延熹六年減虎賁羽林住寺不任事者半俸 二漢並屬

光祿勳 後漢竇固鄧彪並為羽林 魏羽林左右監與漢同 夏侯元為右桓範為

左 晉罷羽林中郎將又省一監置一監而已哀帝省宋

武帝永初初復置江右領營兵江左無復營兵羽林監

及虎賁中郎將並銅印墨綬武冠絳朝服其在陛列則

鷓尾冠 鷓鳥每鬪死不止 絳紗縠單衣江左不復著鷓尾冠齊因

之後魏有羽林監北齊置監十五人後周有左右羽林

率屬大司馬隋煬帝改左右領軍為左右屯衛所領兵

為羽林唐貞觀十二年於元武門置左右屯營以諸衛

將軍領之其兵名曰飛騎又於飛騎中簡材力驍捷善

戰者號為百騎扈從遊幸則衣五色袍乘六閑馬賜猛

獸衣鞮龍朔二年改左右屯營為左右羽林軍武太后

臨朝永昌元年改百騎為千騎天授中改軍為衛中宗

景龍元年改千騎為萬騎大將軍一人 大足元年年左右羽林衛各增置

將軍 一人所掌與左右衛同將軍各三人以副之 領官屬並唐置

左右龍武軍 左右神武軍附

唐初有禁兵號為百騎屬羽林永昌元年改羽林百騎



爲千騎景龍元年改千騎爲萬騎仍分爲左右營開元  
二十六年析羽林軍置左右龍武軍以左右萬騎營隸  
焉官屬並唐置至德中分置左右神武軍各置官屬如  
羽林之制

### 左右神策軍

唐上元中以北衙軍使衛伯玉爲神策軍節度使鎮陝  
州中使魚朝恩爲觀軍容使監其軍初哥舒翰破吐蕃  
臨洮西之磨環川卽其地置神策軍以成如璆爲軍使  
及安祿山反如璆以伯玉將兵千人赴難伯玉與朝恩  
皆屯於陝時邊土陷蹙神策故地淪沒卽詔伯玉所部

兵號神策軍以伯玉爲節度使與陝州節度使郭英義  
皆鎮陝其後伯玉罷以英義兼神策軍節度英義入爲  
僕射軍遂統於觀軍容使廣德元年代宗避吐蕃幸陝  
朝恩舉在陝兵與神策軍迎扈悉號神策軍天子幸其  
營京師平朝恩遂以軍歸禁中自將之然尙未與北軍  
齒也南衙諸衛兵永泰元年吐蕃復入寇朝恩又以神

策軍屯苑中自是寢盛分爲左右廂勢居北軍右遂爲  
天子禁軍非他司比朝恩領之又請以京兆之好畤鳳  
翔之麟游普潤皆隸神策軍明年又以興平武功天興  
隸之及朝恩罪誅以劉希暹代爲神策軍使希暹復得



罪以朝恩舊校王駕鶴代將德宗卽位以白志貞代之  
及李希烈反河北盜起數出禁軍征伐神策之士多鬪  
死者下詔募兵而志貞陰以市人補之名隸籍而身居  
市肆及涇卒潰變皆戢伏不出帝遂出奔及志貞流貶  
神策都虞候李晟與其軍之他將皆自飛狐道西赴難  
遂爲神策行營節度屯渭北軍遂振貞元二年改神策  
左右廂爲左右神策軍特置勾當左右神策軍以寵宦  
者而益置大將軍以下又令左右神策軍皆加將軍二  
員以待諸道大將有功者其後京畿之西多以神策軍  
鎮之以竇文場霍仙鳴爲左右神策護軍中尉又詔左

右神策置統軍以崇親衛時邊兵衣饟多不贍而神策  
軍廩賜贏二倍繇是諸將多請遙隸神策軍往往稱神  
策行營皆內統於中人矣順宗卽位王叔文用事欲取  
神策兵柄以奪宦者權而不克元和時廢左右神武左  
右神威軍以吳兵騎分隸左右神策軍及僖宗幸蜀田  
令孜募神策新軍爲五十四都離爲十軍令孜自爲左  
右神策十軍兼十二衛觀軍容使肅宗以後營衛惟羽  
林龍武神武神策神  
威最盛皆隸北軍  
亦名左右十軍以左右神策大將軍爲左右神策諸

都指揮使諸都又領以都將亦曰都頭景福二年昭宗  
以藩臣跋扈天子孤弱議以宗室典禁兵及伐李茂貞



乃用嗣覃王允爲京西招討使神策諸軍五十四軍悉隸之屯興平已而兵自潰茂貞逼京師又與王行瑜韓建連兵犯闕天子爲之斬中尉殺宰相乃去後又詔諸王閱親軍收拾神策亡散得數萬置殿後四軍嗣覃王允與嗣延王戒丕將之茂貞再犯京師覃王戰敗昭宗幸華州明年韓建畏諸王有兵請皆歸十六宅於是四軍二萬餘人皆罷又請誅都頭李筠遂殺十一王及還長安左右神策軍稍復置之以六十人爲定是歲左右神策中尉劉季述等廢帝幽之季述等誅而昭宗召朱全忠兵入誅宦官宦官覺劫天子幸鳳翔全忠圍之歲

餘天子乃誅中尉韓全誨等以解梁兵乃還長安於是悉誅宦官而神策左右軍繇此廢矣諸司悉歸尚書省郎官兩軍兵皆隸六軍而以崔允判六軍十二衛事六軍者左右龍武神武羽林其名存而已自是軍司以宰相領

按通典叙唐十六衛建置官將之事詳矣而左右神策軍獨闕焉蓋杜公所言多至德天寶以前事而神策雖萌芽於肅代之時實磐固於德宗幸奉天之後其初也則刼制天子專擅策立而其末也則外召賊臣覆亡宗社蓋唐自中葉以後強藩擅



兵禁衛寡弱而其僅存者復爲神策所併視同中人之私屬至昭宗之時外不足以定寇而內徒以脅君逮中人誅神策廢而唐遂亡矣新史職官志亦以神策大將軍叙於諸衛之後但不言其興廢之本末故摭史傳所言以補之

殿前司

都指揮使副都指揮使都虞候使副都虞候掌殿前諸班直及步騎諸指揮之名籍及訓練之政  
宋初有都點檢副都點檢之名在都指揮使之上後不復置入則侍衛殿陛出則扈從乘輿大禮則提點編排

整肅禁衛鹵簿儀仗掌宿衛之事都指揮使以節度爲之而副都指揮使都虞候以刺史以上充資序淺則主管本司公事馬步軍亦如之備則通治闕則互攝凡軍事皆行以法而治其獄訟若情不中法則稟奏聽旨騎軍有殿前指揮使內直散員散指揮散都頭散祇候金鎗班東西班散直鈞容直及捧日以下諸軍指揮步軍有御龍直骨朶子直弓箭弩直及天武以下諸軍指揮諸班有都虞候都虞候指揮使諸知副都知押班御龍諸直有四直都虞候本直各有都虞候指揮使副指揮使都頭副都頭十將將虞候騎軍步軍有捧日天武左



右四廂都指揮使捧日天武左右廂各有都指揮使每軍有都指揮使都虞候每指揮有指揮使副指揮使每都有軍使副兵馬使十將將虞候承局押官各以其職隸於殿前司政和四年詔殿前都指揮使在節度使之上副都指揮使在正任承宣使之上殿前都虞候在正任防禦使之上中興後都指揮使副都指揮使間虛不除則以主管殿前司一員任其事其屬有幹辦公事主管禁衛二員準備差遣準備差使點檢醫藥飯食各一員書寫機宜文字一員本司掌諸班直禁旅扈衛之事捧日天武四廂隸焉訓齊其衆振飭其藝通輪內宿併

宿衛親兵並聽節制其下有統制統領將佐等分任其事凡諸軍班功賞轉補行門拍試換官閱日排連以詔於上諸殿侍差使年滿出職抵應參班核其名籍以時教閱則謹鞍馬軍器衣甲之出入軍兵有獄訟則以法鞫治初渡江草創三衙之制未備稍稍招集填置三帥資淺者各有主管某司公事之稱又別置御營司擢王淵爲都統制其後外州駐劄又有御前諸軍都統制之名又併入神武軍以舊統制統領改充殿前統制統領官

石林葉氏曰殿前司與侍衛司馬軍步軍爲三衙



其實兩司而侍衛司都指揮使外又置馬步軍都  
指揮使耳殿前司亦參馬步軍而總於都指揮使  
故殿前司都指揮副都虞候侍衛親軍都指揮使  
副都虞候與馬軍步軍都指揮使副使虞候兩司  
三衛合十二員分天下兵而領之此祖宗制兵之  
大要也始唐制有十二衛兵後又有六軍十二衛  
兵爲南衙漢之南軍也六軍爲北衙漢之北軍也  
末年常以大臣一人總之如崔允判六軍十二衛  
是也都指揮使本方鎮軍校之名自梁起宣武軍  
乃以其鎮兵因仍舊號置在京馬步軍都指揮使

而自將之蓋於唐六軍諸衛之外別爲私兵至後  
唐明宗遂改爲侍衛親軍以康義誠爲馬步軍都  
指揮使秦王從榮以河南尹爲大元帥典六軍此  
侍衛司所從始也及從榮以六軍反入宮義誠顧  
望不出兵而侍衛馬軍都指揮使朱弘實擊之其  
後遂不廢殿前軍起於周世宗是時太祖爲殿前  
司都虞候初詔天下選募壯士送京師命太祖擇  
其武藝精高者爲殿前諸班而置都檢點位都指  
揮使上太祖實由此受禪見於國史歐陽文忠公  
爲五代史號精詳乃云不知所始蓋考之未詳也



自有兩司六軍諸衛漸廢今但有其名則兩司不獨為親軍而已天下之兵柄皆在焉其權雖重而軍政號令則在樞密院與漢周之間史弘肇之徒

為之者異矣此祖宗之微意非前世所可及也熙寧

九年殿前都指揮郝質言往軍器監與判監劉奉世會議軍器上批殿前馬步三帥朝廷待遇禮繼

二府事體至重寺監小官豈可呼召自今止令移文定議

沈氏筆談曰三衙內中見宰執皆橫杖於文德殿

後立廊階下唱喏宰相出立階揖之外遇從官於

通衢皆避焉此禮久廢惟內中橫杖之禮至今不

廢自漢之蓋外曹六軍諸衛之衣冠為其至矣

歐陽氏歸田錄曰寶元康定予自貶所還京見王

君貺初作舍人在坐見殿前馬步軍聯騎立門外

呈榜稱不敢求見舍人遣人謝之而去慶歷三年

余作舍人三衙軍相逢而斂馬駐立前呵者傳聲

太尉立馬急遣人謝之比舍人馬過然後敢行後

余官於外十年而還遂入翰林與學士相逢分道

軍而過更無斂避之禮蓋兩制漸輕三衙漸重

洪邁論三衙軍制劄子臣仰惟陛下天資神武留意

治軍將士感恩用命非復前比然臣區區管見獨以

為猶有可議者軍制不立名位不正是也請以祖宗

治軍將士感恩用命非復前比然臣區區管見獨以



之制大畧論之三衙軍職之大者凡八等除都指揮使或不常置外曰殿前副都指揮使馬軍副都指揮使步軍副都指揮使曰殿前都虞候馬軍都虞候步軍都虞候曰捧日天武四廂都指揮使龍神衛四廂都指揮使秩秩有序若登梯然不可一級輒廢一或有闕卽以功次遞遷降此而下則分營分廂各置都副指揮使如捧日左廂第一軍都指揮使天武右廂第二軍都指揮使之類邊境有事命將討捕則旋立總管鈐轄都監之名使各將其所部以出事已則復初二百年之間累聖相承皆用此術以制軍詰禁自

南渡以後觸事草創於是三帥之資淺者始有主管某司公事之稱而都虞候以下不復設置乃以天子宿衛虎士而與在外諸軍同其名號以統制統領爲之長又使遙帶外路總管鈐轄之名考之舊制則非法稽之事體則非是以陛下聖明能知人善任使所謂爪牙之士豈無數十人以待用者若法祖宗之制正三衙之名改諸軍爲諸廂改統制以下爲都虞候指揮使使宿衛之職預有差等士卒之心明有所繫異時拜將必無一軍皆驚之舉於以銷壓未萌循名責實則環衛將軍雖不置可也如蒙聖慈或以爲然



乞下樞密討論故實圖議其當恐或可以少贊陛下  
布昭聖武之意茲事體大願陛下深念之

### 侍衛馬軍司

馬軍都指揮使一人以節度使充副都指揮使都虞候  
皆無定員副都指揮使以觀察使以上充都虞候以防  
禦使以上充掌騎兵之名籍及訓練之政令所領馬軍  
自龍衛而下有左右四廂都指揮使龍衛左右廂各有  
都指揮使每軍有都指揮使都虞候每指揮有指揮使  
副指揮使每都有軍使副兵馬使十將將虞候承局押  
官各以其職隸於馬軍司中興後常出戍建康所設官

屬如殿前司

### 侍衛步軍司

掌步軍之政令凡出入扈衛守宿以奉上開收閱習轉  
補以勵下所設官置屬及所領步軍自神衛而下左右  
四廂如馬軍司

### 知閤門事

卽古者擯相之職也周禮大行人掌九儀及賓客之位  
漢有通事舍人

宋朝橫班有內客省使

崇政殿受朝則升東階侍立掌  
四方進奉及四夷朝貢牧伯朝

覲酒饌饗餼宰相近臣禁衛將校  
節儀諸州進奉賜物回詔之事

引進使四方館使

唐



方館以通事舍人判隸中書省石晉始有為卿監專掌  
判館者皇朝初以檢校官判館淳熙四年改置使名掌  
文武官正謝辭國忌賜香諸道月旦正至章表郊祀朝  
蕃官貢舉人進奉使京官致仕官道釋父老陪位之事  
東上閣門使西上閣門使凡取稟旨命供奉乘輿朝會  
游宴及贊導三公羣臣蕃國

朝見辭謝糾彈失儀之事使副專其供職於內者多用  
之舍人以下但通班贊名而已

國戚世族號為華要禮均侍從政和官制橫班使副之

名既改為大夫而其職任則命內外官知焉其後所除

總名知閣門事仍兼客省四方館之職焉靖康元年詔

閣門並立員額監察御史胡舜陟奏閣門之職祖宗所  
重宣贊不過三五人熙寧間通事舍人

十二員祇候看班祇候六人當時議者猶以為多今舍  
人一百八員祇候七十六員看班四員內免職者二百

三員由宦侍恩倖以求財朱劭父子交賣尤多富商豪  
子往往得之真宗時諸王夫人因聖節乞補閣門帝曰

此職非可以恩澤授不許神宗節位之初用宮邸直省

官郭昭選為閣門祇候司馬光言此祖宗以畜養賢才

在文臣為館職其重如此今豈可紹興元年上以宋籛  
賣以求財乞賜裁省故有是詔

孫藩邸舊人稍習儀注命轉行橫行一官主管閣門紹

興五年詔右武大夫以上並稱知閣門事兼客省四方

館事官未至者即稱同知閣門事仍兼客省四方館事

以除授為序稱同知者在知閣門之下

同知閣門事

宋朝東西上閣門副使雖無定員然選任不及疎遠而

所置常少於正使之數政和官制以左武右武郎易二

閣副使而閣門事乃命橫行知焉則同知之職乃昔時

乾隆十二年校刊

職官十二



所謂副使也

閣門宣贊舍人 閣門祇候

故事閣門無通事舍人而通事舍人沿唐制自隸中書省如抽赴閣門並稱閣門祇候其後直授閣門通事舍人非舊制也天禧中去閣門二字政和六年改爲宣贊舍人又舊以閣門通事舍人閣門祇候二等謂之閣職蓋武臣之清選也 閣門通事舍人閣門祇候二等比館職清流爲進取之基非熟於朝儀不在此選又有看班祇候以命世家新進及擢閣門點檢使臣爲之而點檢官乃知班使之長者二年無過遂改看班政和間改通事作宣贊且不復選舊止三五員 天禧初上與輔臣語及減吏員向敏中曰太祖太宗朝閣門祇候不過三五員宣導贊謁而已今踰數百而除授未

已上曰此蓋相承爲例當漸省之

熙寧四年閣門請擇武臣子弟六人

前後殿日祇應以閣中看班祇候爲名候五年熟識儀數乃除閣門祇候紹興中許令供職注授內外合入差遣闕到然後免供職其後供職舍人員數稍冗裁定以四十員爲額乾道六年上欲清閣門之選除宣贊舍人閣門祇候仍舊通掌贊引之職外置閣門舍人十員以待武舉之入官者掌諸殿覺察失儀兼侍立駕出行幸亦如之六參常朝後殿引親王起居倣儒人館閣之制召試中書省然後命之又許轉對如職事官供職滿二年與邊郡淳熙間置看班祇候令忠訓郎以下充秉義



郎以上始除閣門祇候又增重薦舉閣門祇候之制必  
廉幹有方畧善弓馬兩任親民無遺闕及曾歷邊任者  
充紹熙以來立定員額慶元初申嚴閣門長官選擇其  
屬之令非右科前名之士不與召試閣門爲右列清選  
之職蓋先後維持之力云

### 幹辦皇城司

周虎賁氏舍則守王閑王在國則守王宮漢北軍卽今  
之皇城司也漢置羽林郎材官取三輔良家之子自給  
鞍馬唐謂之北衙左右羽林軍大將軍各一人正三品  
將軍各三人從三品掌統北衙禁兵督攝左右廂飛騎

儀仗大朝會則周衛階陛巡幸則夾馳道爲內仗凡飛  
騎南上者配其職有勅上南衙者大將軍承墨勅白移  
於金吾引駕仗官與監門奏覆降墨然後乃得入

宋朝因之舊號武德司太平興國詔改今名政和官制  
改皇城使爲武功大夫而其職任則選內外通領焉

皇城

司以入內兩都知主內判內定事人內都知無不與知  
者惟宿直諸班禁衛畧無統攝而皇城司親從官數千  
人乃命武臣二員同兩都知主之而紹興中詔行宮禁  
殿前復不預此祖宗處軍政深意也

衛所改爲行在皇城司三年詔皇城司係專掌禁庭出  
入依祖宗法不隸臺察

### 御前忠佐軍頭引見司



宋初但曰軍頭引見司端拱元年改軍頭司爲御前忠  
佐軍頭司引見司爲御前忠佐引見司軍頭司掌崇班  
供奉及諸州駐泊捕捉之事引見司掌軍頭名籍諸軍  
搜閱引見之事中興以來提點官幹辦官並以閤門官  
充紹興三十二年詔知閤門官兼則稱提點宣贊舍人  
閤門祇候兼則稱幹辦乾道三年詔提點幹辦共以四  
員爲額

### 帶御器械

宋初嘗選三班以上武幹親信者佩橐鞬御劔或以內  
臣爲之初是職止名御帶咸平元年改爲御帶器械景

祐二年詔自今無得過六人慶歷元年詔遇闕員以歷  
邊任有功者補之

舊制外任帶御器械過闕朝見不宿衛熙寧六年向寶移真定府路總管

過京師特命宿直

中興初諸將在外者多帶職蓋假禁近之名

爲軍旅之重

紹興七年樞密院言帶御器械官合帶插

數隻骸箭不知何用方承平時至飾以珠珍車二十九

駕每出爲觀美而已他日恢復此等事當盡去

年詔中外舉薦武臣無闕可處增置帶御器械四員然  
近侍亦或得之乾道以來詔帶御器械立班在樞密院  
檢詳文字之上淳熙間凡正除軍中差遣或外任者不  
許衙內帶行又須供職一年方與解帶恩例於是屬鞬  
之職益加重矣



按唐承前代置十六衛皆所以命武臣掌禁旅也  
宋興以來環衛官特以處宗親無限員無職事而  
禁旅則仍五代之制屬之三衛有都副指揮虞候  
爲之長其次則有閣門御帶其所職亦皆唐十六  
衛之任然三衛則專掌兵以大將主之而御帶閣  
門則或以處戚畹內臣不專爲將帥之任而其職  
掌皆在京師故俱次序其事於十六衛將軍之後

文獻通考卷第五十八

文獻通考卷第五十九

鄱 陽 馬 端 臨 貴 與 著

職官考十三

大將軍 并官屬

大將軍戰國時官也楚懷王與秦戰秦敗楚虜其大將

軍屈丐是矣漢高帝以韓信爲大將軍初拜信蕭何曰

拜大將如兒戲耳乃擇良日齋戒設壇以禮拜武帝又

之又竇嬰爲大將軍每朝大議列侯莫敢亢禮置初武帝以衛青數征伐有功以爲大將軍欲尊寵之

故置大司馬官號以冠之衛青字仲卿爲車騎擊匈奴

者持大將軍印因軍中拜青爲大將軍位在公上卿以

乾隆十二年校刊

職官十三



上共為一官 後霍光王鳳等皆然成帝綬和二年賜大司馬

印綬罷將軍官後漢光武時吳漢以大將軍為大司馬

後漢大將軍自為一官其大司馬不加於其上和帝時以竇憲為之舊大將軍

位在三公下置官屬依太尉憲威權振朝廷公卿希旨

奏憲位次太傅下三公上長史司馬秩中二千石從事

中郎二人六百石自下各有增憲初為此官威振天下尚書以下欲拜之伏稱

萬歲尚書令韓稜曰禮無人臣稱萬歲之制乃止後梁冀為之官屬倍於三公府自安帝政理

衰缺始以嫡舅耿寶為大將軍常在京都順帝即位又

以皇后父兄弟相繼為大將軍如三公梁冀別傳云元嘉二年又加冀

禮儀大將軍朝到端門謁者將引增掾屬舍人令史官騎鼓吹各十人風俗通曰桓帝初京師謠曰游平賣印

自有評不避豪強及大姓按竇武字漢末猶在三公上

游平為大將軍印綬所加咸得其人魏武為大將軍袁紹為太尉紹恥魏黃初中又有上大

將軍以曹真為之吳亦以陸遜為上大將軍明帝青龍三

年晉宣帝自大將軍為太尉然則大將軍在三司下矣

其後又在三司上自漢東京大將軍不常置為之者皆

擅朝權至晉景帝為大將軍亦受非常之任後以叔父

孚為太尉奏改大將軍在太尉後位次三司下後復舊

在三司上太康元年瑯琊王佃遷大將軍復制在三司

下佃薨復如舊冠綬佩服與大司馬同宋唯彭城王義

康為之章綬冠佩亦與晉同齊以為贈梁有之陳以為



贈後魏北齊爲二大與大司馬同後周建德四年增置  
上大將軍隋並以爲武散官不理事上大將軍從二品  
大將軍正三品唐貞觀二年九月勅六軍先已各置統  
軍一人今十六衛宜各置上將軍一人秩從二品其左  
右衛及左金吾衛上將軍俸料隨軍人馬等並同六軍  
統軍其諸衛上將軍次於統軍支給自今已後內外文  
武闕官於文武班中材望相當者參敘仍符以後各依  
故事於本衛量置衛兵仍舉故事置武班朝參其廊下  
食亦宜加給稍令優重漢不見官屬後漢大將軍驃騎  
將軍車騎將軍衛將軍有長史一人司馬一人竇憲爲大將軍

置長史司馬員吏官屬位次太傅屬官從事中郎二人掾屬二十九人令

史及御屬三十一人又賜官騎四十人及鼓吹應劭曰鼓吹二

十人非常員其領軍皆有部曲大將軍營五部部校尉一人

軍司馬一人部下有曲曲有軍候一人曲下有佗佗長  
一人其不置校尉部但有軍司馬一人其別營領屬爲

別部司馬其兵多少各隨時宜門有門候魏以司馬景

王爲大將軍置掾十人則無屬官其驃騎車騎府有長

史司馬晉驃騎衛將軍伏波撫軍都護鎮軍中領四征

四鎮龍驤撫軍上軍輔國等大將軍開府者皆爲位從

公品秩俸賜亦與諸公同加兵者增置司馬一人從事



中郎二人主簿記室督各一人官屬並與公同宋大將軍驃騎車騎衛將軍諸府皆有長史一人又各置司馬一人齊有大將軍爲贈官無僚屬諸驃騎車騎衛鎮軍中軍撫軍四征四鎮等將軍凡加大字位從公長史司馬諸官屬亦同公梁因之諸將軍優者亦然陳爲贈官無僚屬後魏大將軍僚屬如三公北齊亦然後周大將軍有長史司馬中郎掾屬諸曹參軍典籤等員隋以後無

都督

魏文帝黃初三年以大將軍曹真都督中外諸軍假黃

鉞總統內外諸軍明帝太和四年司馬懿征蜀加號大都督高貴鄉公正元二年司馬昭都督中外諸軍尋加大都督晉武帝伐吳以賈充爲使持節假黃鉞大都督總統六師江左以來都督中外尤重唯王導等權重者乃居之宋氏人臣無居者惟江夏王義恭得假黃鉞則專戮郎將非人臣常器也後魏亦有都督中外諸軍事後周以來改都督爲總管校尉唐分諸道各置都督府而都督之名微矣

宋紹興初呂頤浩以左僕射都督江淮荆浙諸軍事置司鎮江旣而又命孟庾以參知政事權同都督四年趙



鼎自知樞密院爲川陝宣撫處置使以與吳玠共事爲  
嫌乃改都督川陝荆襄諸軍事五年鼎與張浚並相遂  
帶兼都督諸路軍馬入銜浚之初爲都督也以行府爲  
密院孟庾時爲政府不平日三  
名凡事干朝廷則關三省樞  
省樞密院乃奉行行府文書邪七年將罷浚先廢都督  
府三十二年葉義問始以知樞密院事爲督視軍馬蓋  
朝議以義問非相臣故其名下都督一等蓋不考孟庾  
趙鼎故事而失之也隆興初張浚再以樞密使都督江  
淮軍馬乃命汪徹以參知政事督視湖北京西軍馬浚  
去位都督復廢其秋詔湯思退以左僕射爲之思退逗  
遛不進乃命王之望以參知政事爲同都督之望亦巧

免於是遂命楊存中代爲都督非宰相而爲都督自存  
中始

### 元帥

唐制有天下兵馬元帥副元帥掌征伐兵罷則省高祖  
入關太宗爲秦王加西討元帥其後中宗爲周王爲洮  
河道元帥睿宗爲相王爲并州道行軍元帥天寶十五  
載安祿山反以哥舒翰爲諸道兵馬元帥上皇幸蜀以  
太子亨充天下兵馬元帥肅宗卽位以廣平王俶爲天  
下兵馬元帥諸將皆屬焉乾元二年以趙王係爲天下  
兵馬元帥李光弼爲副元帥代宗卽位以雍王适爲天



下兵馬元帥廣德元年吐蕃入寇復以雍王為關內元帥郭子儀為副元帥大歷八年罷天下兵馬元帥建中四年以李希烈反置諸道行營兵馬都元帥以李晟為鄜坊京畿渭北商華副元帥昭宗天復三年上議褒崇朱全忠乃以皇子輝王祚為諸道兵馬元帥加全忠太尉充副元帥後唐長興四年以秦王從榮為天下兵馬元帥中書門下奏歷朝以來無天下兵馬大元帥公事儀注臣等謹沿近事伏見招討使總管兼授副使已下橐鞬庭禮今望令諸道節度使已下凡帶兵權者見元帥階下具軍禮參見皆申公狀其使相者初相見亦以軍禮一度已後客禮相見

宋靖康元年冬金虜圍京師康王奉使至磁相間為士

民所遏不得進乃拜王為天下兵馬大元帥陳邁元帥

宗澤汪伯彥副元帥速領兵入衛

宣撫使

唐元和十四年淄青兗鄆等十二州平詔戶部侍郎楊於陵以本官充淄青等州宣撫使

宋不常置祖宗時有軍旅大事則命執政大臣為之累

朝但除向敏中

鄜延路

范仲淹

陝西路

富弼

河北

文彥博

河北

絳陝西五人

今考向范二公但為經畧安撫使富文韓三公始為宣撫使

仁宗征儂

智高以狄青為宣撫使武臣為宣撫自此始神宗命郭

達討交趾達前執政然但以招討使為名惜之也靖康



初李綱以尚書右丞出爲兩河宣撫繼而又以种師道代之建炎三年張浚以知樞密院爲川陝宣撫處置使宰執爲宣撫行移六曹等監帥司用劄子而六曹於宣司用申狀從官任使副合申六部六部行移用公牒故事大臣爲宣撫使於三省樞密院皆用申狀若建都督府則只用關隆興初張魏公以少傅爲江淮宣撫使頃之拜樞密使都督江淮軍馬及符離師潰公上表待罪乃降特進復爲宣撫使旣而言者謂降官示罰自古所有雖出浚自請然人情觀望其後孟庾趙鼎虞允文王號令不行乃復以爲都督

炎輩皆自二府出爲之若前宰相爲宣撫者則自渡江以後止除李綱呂頤浩朱勝非三人紹興元年劉光世以使相宣撫淮南武臣非執政而爲宣撫自此始二年李光以端明殿學士爲壽春等州宣撫使文臣非執政而爲宣撫自此始然自紹興至嘉泰武臣止劉光世韓世忠張浚吳玠岳飛吳璘六人從官止李光王似二人蓋重之也紹興末詔以楊存中爲江淮宣撫使劉琪不書黃遂寢其命又詔虞允文以兵部尚書爲湖北京西宣撫副使會存中命格於是復改川陝宣諭使而存中措置兩淮焉

按兩漢以來大將軍之官內秉國政外則仗鉞專征其權任出宰相之右隋唐以後則無其官然唐有都副元帥宋有都督宣撫皆以爲將相重臣總師征討者之官蓋都督元帥宣撫卽兩漢大將軍



之任也故各敘其事於大將軍之後又都督之名始於魏晉之間謂之假黃鉞都督中外軍事其權任甚重至唐則每道有都督府特以爲州牧之職而已宋中興後所命都督始復魏晉之舊故唐之都督別自爲門在州牧刺史之後而此所敘者不及之云

### 車騎將軍

漢文帝元年始用薄昭爲車騎將軍

灌嬰周亞夫金日磾並爲之

後

漢章帝卽位西羌反以舅馬防行車騎將軍征之銀印青綬在卿上絕席還復罷和帝卽位以舅竇憲爲車騎

將軍征匈奴始賜金紫次司空安帝卽位西羌寇亂以

舅鄧騭爲車騎將軍征之數年復罷

又皇甫嵩等並爲其官屬附見人

將軍

靈帝數以車騎拜嬖臣及贈亡人

應劭曰美號加於頑克印綬汗

於腐屍虧國家之舊傷號武之重昔年有觀被髮之祥知其爲戎今假號雲集不亦宜乎魏車騎爲

都督儀與四征同若不爲都督雖持節屬四征者與前

後左右雜號將軍同其或散還從文官之例則位次三

司晉宋車騎衛不復爲四征所督

晉羊祜爲車騎將軍開府如三司之儀

後魏制與驃騎同

位次升降並同

隋車騎屬驃騎府唐省之

### 衛將軍

漢文帝始用宋昌爲衛將軍位亞三司其官屬附見大



將軍後凡驃騎車騎衛二將軍皆金印紫綬武冠絳朝服佩水蒼玉晉以陸暕為衛將軍兼儀同三司加千兵百騎東晉已後尤為要重後魏初加大則次儀同三司孝文太和中制加大則位在太子太師上歷代多有唐無之

前後左右將軍

前後左右將軍皆周末官秦因之位上卿金印紫綬漢不常置或有前後或有左右皆掌兵及四夷李廣為前將軍趙充國為後將軍辛慶忌王商為左將軍馮奉世為右將軍光武建武七年省魏以來復置晉武初又置前軍左軍右軍太始八年又置後軍

是為四軍齊亦號左右前後四軍陳並有之北齊左右將軍領千牛備身唐無

四征將軍

四征將軍皆漢魏以來置加大者始曰方面征東將軍漢獻帝初平三年以馬騰為之或云以張遼為征西將軍漢光武建武中以馮異為大將軍征南將軍漢光武建武二年置以馮異為大將軍征北將軍魏明帝太和置劉靖為之許允亦為之各一人魏黃初中位次三公後魏加大則次衛將軍唐無

四鎮將軍

鎮東將軍後漢末魏武帝為之鎮南將軍後漢末劉表為之魏魯晉當陽侯杜元凱並



為鎮西將軍後漢劉表為之魏鎮北將軍魏明帝太和  
允並各一人宋時四鎮與中軍為雜號後魏加大次尚  
書令唐無

四安將軍

安東將軍後漢陶謙曹安南將軍光武元年以岑彭為  
之安西將軍後漢末段熲魏鍾安北將軍晉以郗各一

人後魏亦有唐無

四平將軍

平東將軍晉當陽侯杜元平南將軍晉盧欽羊祜平西  
將軍晉以嵇平北將軍漢獻以張燕晉各一人並漢魏

將軍紹為之

間置後魏亦有唐無

雜號將軍

上漢以呂祿騎漢武帝以公孫敖及樓船漢元封三年

橫海漢元鼎六年以韓說材官漢李息為之貳師漢李

善馬故以師城取輕車漢武帝以公伏波漢武帝征南

以路博德為之後漢馬援亦為之伏中軍漢武帝以公

波者漢武帝以戈船環氏要畧云建中軍漢武帝以公

強弩漢武帝以度遼漢武帝初以范明友為度遼將軍後漢明

任千秋度遼字伯景為度遼將軍誠心懷撫信賞分明乃去烽燧斥

墳輒哭祭祀又李膺積射漢有之晉武帝太始四年

為度遼將軍聲振遠域積射漢有之晉武帝太始四年

乾隆十二年校刊

職官十二



營置積射強建威漢元帝以韓安國王晏並九武王莽  
弩將軍主之為之征虜後漢建武中始以祭武牙後漢  
軍九人皆以武為號曰九武將軍征虜後漢建武中始以祭武牙後漢  
號號曰九武將軍為之征虜後漢建武中始以祭武牙後漢  
以蓋延漢光武以王常為橫野捕虜武牙後漢  
為之延橫野大將軍位與諸將絕席捕虜後漢永平中  
鷹揚後漢建安中魏討逆孫策為之破虜後漢末以討  
虜後漢末以安漢蜀糜竺為之班在武威魏武帝以撫  
軍魏武帝置以司凌江後漢置以寧朔魏以王橫江魯  
肅為之又曰魯橫江昔龍驤晉武帝始以殿中宋初黑  
仗萬人之屯據陸路口界龍驤晉武帝始以殿中宋初黑  
稍後魏于粟磾好持黑稍以自衛劉裕遙見題牙門將  
冠服與將軍同魏文帝黃初中置明帝以胡烈為之又  
王隱晉書云陸機少襲父為牙門將吳人重武官故也  
晉惠帝特置四部牙門以汝  
南王祐為之蜀以趙雲為之

監軍 軍師祭酒 理曹掾屬附

周代齊景公使穰苴將兵捍燕晉之師穰苴願得君之  
寵臣以監軍公使莊賈往賈不時至苴斬之是其始也  
漢武帝置監軍使者光武以來歛監諸將後漢末劉焉  
以監軍使者領益州牧劉璋亦為魏晉皆有之魏時司  
征壽春石苞為監軍鍾會伐蜀衛瓘初隗囂軍中嘗置  
為監軍晉孟康持節監石苞諸軍事至魏武帝又置師官  
軍師隗囂聘平陵人方望以為軍師至魏武帝又置師官  
四人魏荀攸為軍師軍國選舉及刑獄法制皆使決焉  
又梁義為左軍師吳朱然為右軍師蜀以諸葛亮  
為軍師晉避景帝諱改為軍司凡諸軍皆置之以為常  
員所以節量諸宜亦監軍之職也而太尉軍司尤重故



山公啓事曰太尉軍司缺當選上宰監宜得宿有資重者也宋齊以來此官頗廢至梁大通四年元法僧北討復以羊侃為大軍司後代多不置至隋末或以御史監軍事唐亦然時有其職非常官也開元二十年後並以中官為之謂之監軍使至德間九節度圍賊相州以魚朝恩為觀軍容宣慰處置使觀軍容使自朝恩始是後宦者多稱軍容節度使皆置監軍至昭宗天復二年誅宦官其為監軍者詔方鎮誅之宦官盡死惟河東監軍張承業幽州監軍張居翰清海監軍程匡柔西川監軍魚全禋及致仕嚴遵美為李克用劉仁恭楊行密王建

所匿得全斬他囚以應詔

後唐莊宗既取蜀以孟知祥為西川節度使明帝既立安

重誨以知祥據險要擁強兵恐久而難制客省使李嚴自請為西川監軍必能制知祥詔從之嚴既至知祥謂之日公前奉使王衍歸而請兵伐蜀莊宗用公言遂至兩國俱亡今公復來蜀人懼矣且天下皆廢監軍公獨來監吾軍何也嚴惶恐求哀知祥日衆怒不可遏也遂攝下斬之

軍師祭酒

後漢建安三年曹公還許初置此官

理曹掾屬

後漢建安十九年魏武令日軍中典獄或非其人而任以三軍死生吾甚懼之遂置此選

三署郎官敘

漢中郎將分掌三署郎有議郎中郎

皆北六侍郎

郎中

比三百石

凡四等皆秦官無員多至千人

靈帝時三署郎吏二千餘

人皆掌門戶出充車騎

其散郎謂之外郎

故卿校尉牧守待價



於此公車特徵賢良方正敦樸有道高節公府掾曹試  
博士者亦充茲位其下第白衣試博士者皆拜郎中中

郎有五官左右三將謂五官中郎將左右郎將郎中有車戶騎三將

如淳曰主車曰車郎主戶衛曰戶郎漢舊儀曰郎中令  
主郎中左右車將主左右車郎左右戶將主左右戶郎

凡郎官皆主更直執戟宿衛諸殿門唯議郎不在直中

漢儀曰三署郎見光祿勳執板拜若見五官左右將執板不拜於三公諸卿無敬郎官故事令

出錢市財用給文書乃得出時號曰山郎謂以貲財為郎也山者財

用所出故取名或至歲不得休沐其豪富郎日出遊戲或行錢

得善部貨賂流行轉相放效楊惲字子幼為中郎將罷山

郎其疾病休沐皆以法令有過奏免薦舉其高第有行

能者多至郡守九卿三署化之莫不自勵宮殿之內翕

然同聲其後遂以為常後漢和帝永元元年初令郎官詔除者得占丞尉以比秩為真

凡三署郎官二漢並屬光祿勳光祿選三署郎有行應

四科者歲舉茂材二人四行二人後漢范滂字孟博舉孝廉光祿四行時冀

州饑荒盜賊羣起乃以滂為清詔使以按察之滂登車攬轡慨然有澄清天下之志及到州境守令有贓污者

望風解印綬而去其所舉奏莫不厭塞眾議又上廉吏六人為長理劇隨缺

多少萬戶以上為劇縣其缺少者不選公府亦然故明

帝時館陶公主為子求郎帝不許賜錢十萬曰夫郎官

上應列宿出宰百里苟非其人受其殃後漢桓靈間三署見郎七

百餘人而郡國計吏多留拜為郎太尉楊秉上疏諫曰先王建國順天制官太微積星名為郎位入奉宿衛出

乾隆十二年校刊

職官十三

十三



牧百姓云云按自近代皆謂郎官上應列宿出宰百里  
為尚書郎故事且夫天文有武賁郎位等星皆在太微  
帝座之後為翊衛之象則應劭楊秉所言三署郎是也  
而世人謂之尚書郎則誤矣徵其失也蓋自梁陶藻職  
官要錄以漢三署郎故事通為舊有郎中將右騎光武  
尚書郎循名失實遺誤後代

中興悉省

漢袁盎卜式張騫並為中郎韓信主父偃並為郎中後漢明帝性褊察嘗以事怒郎樂崧

崧走入床下上將杖撞崧崧曰天子穆穆諸侯皇皇未聞人君自起撞郎上乃捨之又班固二代位不過郎又陳蕃諫靈帝曰昔明帝公主為子求郎賜錢十萬今陛下除拜郎吏無有休已以一郎比一把菜耳晉議郎遷為太守山公啓事曰議郎許允宜參廣漢太守選亦有郎中等官其後

雖有中郎將等官而無三署郎矣

中郎將

五官中郎將

左右中郎將

五官左右中郎將皆秦官漢因之並領三署郎從後漢

之制郡國舉孝廉以補之三署郎年五十以上屬五官

後漢黃琬字子琰為五官中郎將時陳蕃為光祿勳深相敬待每與議事舊制光祿舉三署郎以功高久次才德尤異者為茂才四行時權富子弟多以人事得舉而貧約守志者見遺京師諸日欲得不能光祿茂才於是蕃琬同心顯用志士故蕃琬皆為權富郎所中傷也其次分屬左右署左右郎將

各領左右署郎三署皆有中郎侍郎郎中三郎並屬光

祿勳魏無三署郎猶置左右中郎將晉武帝省左右中

郎將官宋孝武大明中復置銀章青綬武冠絳朝服佩

水蒼玉齊左右中郎將屬西省梁代並分司丹禁今中

郎將四十四員郎將六十四員各附諸軍諸衛篇唐亦

置諸衛中郎將永徽三年八月避太子名改中郎將為



旅賁郎將又改為翊軍郎將尋復舊

虎賁中郎將

周官有虎賁氏掌領虎士八百人軍旅會同君宿於外

則守王閑

閑桂桓行馬也桂音陞桓音護

漢武帝建元三年初置期門

比郎中蓋以微行出遊選材力之士執兵從送期之諸

門故名期門無員多至千人平帝元始元年更名虎賁

郎

舊曰虎賁言如虎之奔

置中郎將領之故有虎賁中郎將主虎

賁宿衛冠插兩鷓尾

鷓鷯之中果勁者每有攪撮應瓜摧碎尾上黨所貢也

紗縠

單衣虎文錦袴餘郎亦然凡有虎賁中郎虎賁侍郎虎

賁郎中節從虎賁皆父死子繼若死王事亦如之前賢

亦多為者

後漢馬援孔融並為虎賁中郎將遷尚書魏桓階為虎賁中郎將遷尚書典選

唐無

四中郎將

東西南北

東中郎將

後漢靈帝以董卓為之

南中郎將

後漢獻帝以臨淄侯曹植為之

西中

郎將

晉以謝曼桓冲為之

北中郎將

後漢以盧植為之建安中以鄢陵侯曹彰為之

並後

漢置江左彌重或領刺史或持節為之銀印青綬服同

將軍後魏靈太后時四中郎將兵數寡弱不足以襟帶

京師任城王澄奏宜以東中帶滎陽郡南中帶魯陽郡

西中帶恒農郡北中帶河南郡選二品三品親賢兼稱

者居之配以強兵則深根固本之計也靈太后初從之

後復止唐至德後節度都團練使殆其遺職



雜中郎將

使匈奴中郎將

後漢主護南單于以張奐為之後魏天興四年罷

平越中郎將

晉武帝置理廣州主護南越

司金中郎將

趙王循為之武衛中郎將魏始

褚為唐無

折衝府

果毅別將等附

隋初左右衛左右武衛左右武侯各領軍坊鄉團以統

戎卒開皇中置驃騎將軍府每府置驃騎車騎二將軍

大業三年改驃騎府為鷹揚府改驃騎將軍為鷹揚郎

將改車騎將軍為鷹揚副郎將

五年又以鷹揚副郎將為鷹擊郎將

九年

別置折衝果毅及武勇雄武等郎將官以統領驍果唐

武德初猶有驃騎府及驃騎車騎將軍之制武德七年

乃改驃騎為統軍車騎為別將貞觀十年復採隋折衝

果毅郎將之名改統軍為折衝都尉別將為果毅都尉

魏有折衝將軍後周有成議別將官其名因此也

其府多因其地各自為名無

鷹揚之號凡五百七十四府分置於諸州而名隸諸衛

及東宮率府各領兵滿一千二百人為上府

兩京城內雖不滿此

數而亦千人為中府

兩畿及岐同華懷陝等五州所

入

百人為下府每府置折衝都尉一人

掌領校尉以下宿衛及衛士以上總

判府

左右果毅都尉各一人

掌通判春秋傳曰戎昭果毅又曰殺敵為果致果為

毅揚帝始置別將一人

不判府事若無兵曹以上即知府事初別將既改為果毅而府



中有長史員聖歷三年廢長史長史一人通判載初兵

置別將一員後又兼置長史曹一人判府事付事勾校尉六人以下小吏各有差若

之凡府在赤縣為赤府在畿縣為畿府衛士以三百人校尉以下唯人數置

為團團有校尉五十人為隊隊有正十人為火火有備

六馱馬驢初置八馱米糧介冑戎器鍋幕貯之府庫以

備武事每歲十一月以衛士帳上於兵部以候徵發天

下衛士向六十萬人初置以成丁而入六十出役其家

死者不免征徭遂漸逃散年月漸久逃天寶八載五月停折衝府以無兵十一載八月改

諸衛士為武士軍車驛馬奉朝請附

五營三都尉奉車驛馬奉朝請附

奉車駙馬騎三都尉並漢武帝元鼎二年初置李陵為

至更始時官亂舊無員或以冠常侍或卿尹校尉左

遷為之奉車掌御乘輿車漢官曰駙馬掌駙馬駙馬非

皆為副馬一日駙都尉本監羽林騎漢官又竇嬰為朝

請竇太后除嬰門籍不得入朝請漢後漢並屬光祿勳

奉朝請無員本不為官漢東京罷省三公外戚皇室諸

侯多奉朝請奉朝請者奉朝會請召而已晉武帝亦以

皇室外戚為三都尉而奉朝請焉元帝為晉王以參軍

為奉車都尉掾屬為駙馬都尉行參軍舍人為騎都尉

皆奉朝請後罷奉車騎二都尉唯留駙馬都尉奉朝請

乾隆十二年校刊



而已諸尚公主者若劉惔桓温等皆爲之宋武帝永初已來以朝請選雜其尚主者唯拜駙馬都尉齊奉朝請駙馬都尉及散騎給事中等官並集書省職朝散用衣冠之餘人數猥積武帝永明中奉朝請至六百餘人齊職儀曰凡尚公主拜駙馬都尉梁三都尉並無員秩其奉車駙馬皆武官絳朝服銀章青綬梁陳駙馬皆尚公主者爲之陳武帝長女永世公主先適陳留太守錢藏生子昂及昂並卒武帝受禪唯公主追封將葬尚書主客牒詳議欲加藏駙馬都尉并贈昂官袁樞議曰昔王姬下降必適諸侯同姓爲主聞於公羊之說車服不繫著於詩人之篇漢氏之初列侯尚主自斯以後降嬪素族駙馬都尉置由漢武或以假諸功臣或以加於戚屬是以魏表駙馬爲一號魏晉以來因爲常准蓋明王姬之重庶姓之輕若不加其等級莫可合番而醕所以假駙馬之位乃崇於皇

女今公主早薨伉儷已絕旣無禮數致疑何須駙馬之授按當陽侯杜元凱尚晉宣帝第二女高陸宣公主晉武踐祚而主已亡泰始中追贈公主杜君無復駙馬之號梁元帝女新安穆公主早薨天監初王氏無追拜之事遠近二例足以相明公主所生旣未及成人之禮無勞此授今宜追贈亭侯時以樞議爲衷藏丑善反昂音節後魏駙馬都尉亦爲尚公主官雖位高卿尹而此職不去奉車二十人騎都尉六十人北齊駙馬與後魏同隋開皇三年罷奉朝請煬帝時奉車駙馬並廢唐駙馬都尉從五品皆尚主者爲之開元三年八月勅駙馬都尉從五品階宜依令式仍借紫金魚袋天寶以前悉以儀容美麗者充選奉車都尉五員掌馭副車不常置若大備陳設則以餘官攝行屬左右衛也



宋制騎都尉爲勳官駙馬都尉爲尚主之官奉車都尉無

### 節度使

唐因隋制諸州總管加號使持節後改大總管爲大都督永徽已後除都督帶使持節卽是節度使不帶者卽不是節度使景雲二年賀拔延嗣除涼州都督充河西節使自此有節度之號節度使封郡王則有奏記一人兼觀察使又有判官支使推官巡官衙推各一人又兼安撫使則有副使判官各一人兼度支營田招討經畧使則有副使判官各一人支度使復有遣運判官巡官

各一人節度使掌總軍旅顛誅殺初授具帑秣兵仗詣兵部辭見觀察使亦如之辭日賜雙旌雙節行則建節樹六纛中官相送次一驛輒上聞入境州縣築節樓迎以鼓角衙仗居前旌幢居中大將鳴珂金鉦鼓角居後州縣齎送迎於道左天寶初置十節度經畧使以備邊安西節度撫寧西域統龜茲焉耆于闐疎勒四鎮治龜茲城兵二萬四千北庭節度防制突騎施堅昆統瀚海天山伊吾三軍屯伊西二州之境治北庭都護府兵二萬人河西節度斷隔吐蕃突厥統赤水大斗建康寧寇玉門墨離豆盧新泉八軍張掖交城白亭三守



提屯涼肅瓜沙會五州之境治涼州兵七萬三千人  
朔方節度捍禦突厥統經畧豐安定遠三軍三受降城  
安北單于二都護府屯靈夏豐三州之境治靈州兵六  
萬四千七百人 河東節度與朔方犄角以禦突厥統  
天兵大同橫野岢嵐四軍雲中守提屯太原府忻代嵐  
三州之境治太原府兵五萬五千人 范陽節度臨制  
奚契丹統經畧威武清夷靜塞恒陽北平高陽唐興橫  
海九軍屯幽薊媯檀易恒定漠滄九州之境治幽州兵  
九萬一千四百人 平盧節度鎮撫室韋鞞統平盧盧  
龍二軍榆關守提安東都護府屯營平二州之境治營

州兵三萬七千五百人 隴右節度備禦吐蕃統臨洮  
河源白水安振威戎漠門寧塞積石鎮西十軍綏和合  
川平夷三守提屯鄯廓洮河之境治鄯州兵七萬五千  
人 劔南節度西抗吐蕃南撫蠻獠統天寶平戎昆明  
寧遠澄川南江六軍屯益翼茂當雋柘松維恭雅黎姚  
悉十三州之境治益州兵三萬九百人 嶺南五府經  
畧綏靜夷獠統經畧清海二軍桂容邕交四管治廣州  
兵萬五千四百人此外又有長樂經畧福州領之兵千  
五百人東萊守提萊州領之東牟守提登州領之兵各  
千人凡鎮兵四十九萬人馬八萬餘匹其後有淮南河



南江東成德州鎮宣武汴宋鎮海浙西義成滑州淮寧淮西彰義

申光義武易定奉義安黃忠武陳許武寧徐州永安荆南天平山東河

陽淮孟歸義瓜沙伊肅戎昭金州義昌滄景山南襄鄖俱置

節度使有以親王遙領者如開元十五年以慶王潭為

涼州都督兼河西節度大使忠王俊為單于大都護朔

方節度大使之類是也有以宰相遙領者如兵部尚書

河西節度副大使知節度事蕭嵩除同中書門下平章

事節度如故又李林甫遙領隴右節度楊國忠遙領劍

南節度是也蕭嵩以牛仙客為留後李林甫以杜希

宋興節度觀察使事務悉歸於本州知州通判兼總之

節度使無定員恩數與執政同初除鎮院降麻恩禮尤

異祖宗時以待宗室近屬外戚國婿年勞久次者若外

任除殿帥始授此官亦止於一員或有功勳顯著任帥

守於外及前宰執拜者不輕授又遵唐制以節度使兼

中書令或侍中或中書門下平章事皆謂之使相以待

勳賢故老及宰相久次罷政者隨其舊職或檢校官加

節度使出判大藩通謂之使相元豐以新制始改為開

府儀同三司舊制勅出中書門下故事之大者使相繫

銜至是皆南省奉行則開府不預矣八年鎮江軍節度

使檢校太傅韓絳為開府儀同三司判大名府元祐五

使檢校太傅韓絳為開府儀同三司判大名府元祐五



年太師平章軍國重事文彥博為開府儀同三司守太師充護國軍山南西道節度使致仕自崇寧五年司空左僕射蔡京為開府儀同三司安遠軍節度使中太一宮使其後故相而除則有劉正夫余深前執政則有蔡攸梁子美外戚則有向宗回宗良鄭紳錢景臻殿帥則有高侏內侍則有童貫梁師成宣和末節度使至六十人議者以為濫親王皇子二十六人宗室十一人前執政二人大將四人外戚十人宦者恩澤計七人  
中興諸州陞改節鎮凡十有二是時諸將勲名鼎盛有兼兩鎮三鎮者實為希闊之典國朝元臣拜兩鎮節度使者纔三人  
韓魏公文潞公中興後呂成公是也三公卒辭之而諸大將若韓張吳岳楊劉之流率至兩鎮節度使其後加

至三鎮者三人韓斯至鎮南武安寧國張循其後相承至靜江寧武靖海劉安城至護國寧武保靜

宰執從官及后妃之族拜者不一然自建炎至嘉泰宰

相特拜者六人呂忠穆張忠獻虞忠肅皆以勲史執政會稽王以舊趙衛公葛文定以恩執政

一人葉右丞從官二人而已張端明澄惟紹興中曹勛

韓公裔乾道中曾觀嘉泰中姜持立譙令雍皆以攀附

恩澤亦累官至焉非常制也國初外戚罕有建節者太

窮老纔得節度使仁宗用張堯佐一時名臣力爭之其

後除拜濶多中興後外戚節度使二十有二人哲廟以

前節度使未有以恩澤除者若王顯張昞輩雖以舊恩

貴然皆以嘗任宰府乃得之崇寧後始除郭天信朱勛

其後童貫楊戩凡十餘人中興金瓶梅後曹勛曾觀輩以攀附恩建節

乾隆十二年校刊

職官十三

三



唐制有六纛今無有也  
一人曰祭之號衙曰唐制有六纛今無有也  
容齋洪氏隨筆曰唐節度使帶檢校官其初只左  
宰時右散騎常侍如李愬在唐鄧時所稱者也後乃轉  
尚書及僕射司空司徒能至此者蓋少僖昭以降

藩鎮盛強武夫得志纔建節鉞其資級已高於是  
復升太保太傅太尉其上惟有太師故將帥悉稱  
太尉元豐定官制尚如舊貫崇寧中改三公爲太  
師太傅太保而以太尉爲武階之冠以是凡管軍  
者猶悉稱之紹興間葉夢得自觀文殿學士張澄  
自端明殿學士拜節度葉嘗任執政以暮年擁旄  
爲儒者之榮自稱葉太尉張微時用鄧洵武給使  
恩出身羞爲武職但稱尚書如故其相反如此  
又曰太祖有天下將收藩鎮威柄故漸行改革至  
於位至侍中中書令使相者其高僅得東宮官次



但居環衛鳳翔王晏為太子太師安遠武行德為太子太傅護國郭從義為左金吾上將軍自後不復舉行矣

### 承宣使

唐中世以後節度使往往自擇將吏號為留後

宋朝沿唐制方鎮有節度觀察使留後

又官制舊典祖宗時留後惟宗

室國戚自當叙遷若外官唯馬步軍都指揮使方就除焉馬軍帶留後步軍帶觀察餘無至者獨內臣任都知久次官至延福宮使景福殿使者方帶留後觀察皆為遙郡止於防禦使而已政和七年詔觀察留後乃五季藩鎮官以所親信留主後務之稱不可循用可冠以軍名改為承宣使承宣觀察防禦團練使

刺史無定員除落階官為正任未落階官者為遙郡朝

謁御宴惟正任預焉遙領者並止本官叙遷正任者次

第轉行

靖康元年臣僚言遙郡正任恩數遼絕自遙郡遷正任者合次第轉行今有自遙郡與落階官

而授正任直超轉本等正官是皆奸巧希進躡取乞應遙郡承宣使有功勞除正任者止除正任刺史從之

### 觀察使

唐貞觀初遣大使十三人巡省天下諸州水旱則遣使有巡察安撫之名神龍三年以五品以上二十人為十道巡察使察舉州縣再周而代景雲三年置十道按察使道各一人開元二年曰十道按察採訪處置使二十二年曰採訪處置使分十五道天寶末又兼黜陟使乾元



元年改曰觀察處置使

又事物紀原以為至道元年掌置觀察使與志不同當考

察所部善惡舉大綱凡奏請皆屬於州歲以八月考其

治以豐稔為上考省刑為中考辦稅為下考

宋朝沿唐制置諸州觀察使凡諸衛將軍及使遙領者

其資品並止本官叙

防禦團練使

祥符中詔觀察使並

帶刺史

翰林學士陳彭年檢討唐以來故事觀察使並合帶刺史詔自今除觀察使可兼領之

政

和中詔承宣觀察使仍不帶持節等

### 防禦使

唐武后聖歷元年以夏州鎮領防禦使防禦使之名自

此始開元二年薛訥為隴右防禦使天寶中安祿山犯

順大郡要地當賊衝者置防禦守捉使

事物紀原又唐職官志云至德

後置節度使大郡要害之地置防禦使以治軍事

代宗

即位諸州防禦使並停明年授田承嗣魏博等州都防

禦使俄遷節度使蓋防禦使之名不廢也大率防禦隸

所治州歲以八月考其治否以無虞為上考清苦為中

考政成為下考

宋朝沿唐制置諸州防禦使唐防禦使在團練使之下

宋朝陞之於上

職畧云官制舊典防禦團練刺史均謂之正任外官初除管軍便帶正任刺史

或隨其人見帶遙郡就除之其橫行諸司使帶遙郡防禦使者年勞至深邊功優異即落遙郡為正任官其團練使刺史則無法落遙郡也以上應管軍臣僚因乞改軍職遂以本官出守或領副總管方有帶正任者其宗



室國戚除再遷便領  
正任乃國朝舊制

### 團練使

唐肅宗乾元初置團練使守捉使大領十州小者三五

州代宗時元載當國令刺史悉帶團練

唐職林李少良傳大歷八年晉

州男子郇謨欲以三十字上獻多譏切元載其

言團者願罷諸州團練使少良尋為載所殺

練皆隸所治州歲以八月考其治否以安民為上考懲

姦為中考得情為下考

宋朝沿唐制諸州團練使

### 刺史

漢武帝元封五年初置部刺史掌奉詔條察州秩六百

石員十三人唐武德元年改太守曰刺史加使持節從

三品職同牧尹

宋制諸州刺史無定員外官初除管軍便帶正任刺職

隨其人見帶遙郡就除之其橫行諸司使帶遙郡防禦

使者年勞至深或邊功優異卽落遙郡為正任官靖康

元年臣僚言遙郡正任恩數遼絕自遙郡遷正任者合

次第轉行今有自遙郡與落階官而授正授直超轉本

等正官是皆姦巧希進躡取乞應遙郡承宣使有功勞

除正任者止除正任刺史從之

按節度使在唐為闡帥觀察團練使在唐為監司



防禦使在唐爲邊將刺史在唐爲郡守至宋則闕  
帥監司邊將郡守各別有以名其官而節度承宣  
觀察團練防禦刺史則俱無職任特以爲武臣遷  
轉之次序故序其事於將軍都尉之後  
諸路將官

宋神宗留意武備本以捍西北二虜而推其法於東南  
故西北爲多東南爲少陝西諸路四十二將河北諸路  
三十七將而東南纔十三將元豐四年詔東南諸路團  
練諸軍馬十三將淮南東  
路第一西路第二兩浙西路第三東路第四江南東路  
第五西路第六荆湖北路第七南路潭州第八全邵永  
三州備廣西應授第九福建路第十廣東  
路第十一西路桂州第十二邕州第十三合諸路九十

二將各有正副軍中行圖陣隊調發賞罰皆關決於將

副宣和六年詔元祐元年司馬光請盡罷諸路將官其禁軍

各委本州縣長吏與總管鈐轄都監押等轄一如未置

將官以前之法而樞密院難之止詔諸路將副在州駐

劄不係路分兵官知州并州鈐轄兼充者並差將官一

員兼本州都監其單將駐劄處勿復差兼宣和五年御

筆諸路將副剖隊自今並依元豐法選差乾道四年密

院奏諸州揀中弓弩手雖已差路分鈐轄都監春秋詣

諸路巡按緣逐州未有將官專一日逐訓練恐致事藝

生疎詔諸州各置準備將一員專一管轄日逐訓練揀



中弓弩事藝孝宗會要哲宗職官志諸路將官掌統制所隸禁旅以行陣隊伍金鼓幟職弓矢擊刺之法而教習訓練之別其武藝精強者待次遷補以激勸士卒凡兵仗器甲之數廩祿犒給賞罰約束之禁令皆掌焉副將爲之貳若屯戍防邊則受帥司節制禦寇敵則審其戰守應授之事若師有功則具馘數籍用命者而旌賞之焉

元祐初右僕射司馬光乞罷諸路將官疏曰臣竊見國朝以來置總管鈐轄都監監押爲將帥之官凡州縣有兵馬者其長吏未曾不兼同管轄蓋知州卽一州之將知縣卽一縣之將故也先帝欲征伐四夷患諸州兵官不精勤訓練士卒懈弛於是有建議者請分河北陝西河東京東京西等路諸軍若干人爲一

將別置將官使之專功訓練其逐州總管以下及知州知縣皆不得關預及有差使量留羸弱下軍及剩員以充本州官白直及諸般差使其餘禁軍皆制在天將官專事教閱臣愚以爲職事修舉在於擇人不在設官苟得其人雖總管等皆能訓練士卒不得其人雖將官亦何所爲况今之將官卽向之爲總管者也豈爲總管則不能舉職爲將官乃能舉職乎此徒變易其名無益事實非惟無益兼復有害凡設官分職當上下相維如身之使臂臂之使指紀綱乃立今爲州縣長吏及總管等官而於所部士卒有不相統攝



不得差使殆如路人者至於倉庫守宿街市巡邏亦皆乏人雖於條許差將下兵士而州縣不能直差須牒將官將官往往占護不肯差撥萬言有非常之變州縣長吏何以號令其衆制禦姦宄哉

魏平北戎使  
州都統

晉孝武帝太元十九年有河西大都統唐天寶末置爲天下兵馬元帥都統朔方河東北平盧節度使都統之名始於此乾元元年戶部尚書李峘除都統淮南江東西節度使宣慰觀察處置等使都統之官始於此唐制或總五道或總三道上元末省大中後討徐州以康承

訓討黃巢以荆王鐸爲都統黃巢之難置諸道行營都統掌征伐兵罷則省雖總諸道兵馬不賜旌節

宋軍

宋朝諸軍都統制者自渡江已前亦有之然未爲官稱蓋是時陝西河東三路皆以武臣職高有智畧者爲馬步軍副都總管遇出師征討則加以都統制軍馬之名猶今節制軍馬之類非有司分也建炎元年置御營司遂擢王淵爲都統制都統制名官自此始大槩南渡置統制一則兵興稱謂不一諸路起兵有自稱統制者州縣管押勤王兵者亦有稱統制者諸道都總管及諸司便宜差統制者建炎初劉光世上言於是並罷惟中都



主兵朝廷差充統制者仍舊紹興初諸大將改爲行營  
五護軍四年吳玠陞宣撫副使其弟爲右護軍都統制  
十一年韓世忠張俊岳飛除樞密使副使罷宣撫司其  
統領將副並改充御前隸樞密院各帶御前字入銜其  
兵馬就令所部統制官節制而都統皆以屯駐名冠軍  
額之上獨川陝如故恩數畧視三衙權任在帥臣之右  
官卑者稱副都統制設屬有計議機宜幹辦公事準遣  
十九年漢沔兩大將改爲御前諸軍璘稱利州西路駐  
劄御前諸軍都統制政稱利州東路駐劄御前諸軍都  
統制郭浩時已死故金州無都統制但以知州兼節制

嘉定初蜀叛旣平安丙又奏分興州十軍爲沔利三軍  
沔州除都統制利州除副都統制天下有十都統矣初  
兀朮犯泗州詔樞密使張俊於鎮江府置司措置江淮  
守備俊發張憲事併岳飛死俊遂薦其將定遠軍節度  
使田師中掌故岳飛之兵又薦清遠軍節度使王德往  
金陵於是並詔爲御前都統制師中於鄂州德於建康  
府駐劄

### 副都統

唐興元中置副都統

宋朝紹興中亦有副統制隆興二年詔應諸軍副都統



制並罷乾道三年五月陳天麟奏荆南都統王宣久病邊報不一恐緩急誤事蔣芾奏員琦爲副都統同管軍閏七月上謂宰執曰朕欲江上諸軍各置副都統制一員令兼領軍事豈惟儲他日統制亦使主將有所顧忌於是以前剛爲鎮江副都統制張榮爲建康副都統制三省樞密院定制云已復置在外副都統制裨贊主帥商議軍事覺察奸弊所有本司文字與都統連銜調發軍馬併聽都統指揮月旦亦許上表平江許浦水軍乾道間置副都統以領之

### 統制

統制統領官三衙及御前軍將佐也祖宗時禁兵但以路分都監等領之渡江後大軍又有統制同統制副統制統領同統領副統領等其下乃有正將副將準備將之名皆偏裨也舊制準備而上自主帥陞差仍先申樞密院定察紹熙四年詔江上陞差統制至準備將令主帥解發三人赴總領所內選一名慶元三年詔陞差並委主帥自是主帥之權復重矣

### 都總管

副總管附

魏黃初始置都督諸州軍事後周改都督諸軍事爲總管武帝時以王謙爲益州總管之名始此隋文帝以并



益荆楊四州置大總管其餘總管府置於諸州列爲上中下三等加使持節煬帝改帥都督爲旅帥唐諸州復有總管亦加使持節武德初邊要之地亦置

宋朝馬步軍都總管以節度使充副總管以觀察以下充有止一州者有數州爲一路者有帶兩路三路者或

文臣知州則管勾軍馬事舊相重臣亦爲都總管有禁兵駐

泊其地者冠以駐泊之名咸平發三路都總管景德詔鎮定兩路併

爲一路諸路並去行營之名止爲駐泊總管慶歷三年

詔近分陝西緣邊爲四路各置經畧安撫招討等使自

今路分總管鈐轄以上許與都總管司同議軍事路分

都監以下並聽都總管等節制違者以軍法論七年析

河北四路各置都總管一員如無止以安撫使總制諸

路八年諸州部署並改兵馬總管副總管又職畧總管舊曰部署因

廟諱改焉又續會要云兩朝國史志有兵爲總管副總管凡武臣以諸司使以上充文臣以兩省五品以上充

一州卽爲兵馬總管一路卽爲步軍總管副總管建炎元年李綱言守備當於

沿河沿淮沿江置帥府要郡以控扼其帥府文臣一員

帶安撫使馬步軍都總管武臣一員充副總管改路分

爲副總管路鈐轄爲副鈐轄州鈐轄爲副都監遇朝廷

起兵則副總管爲帥副鈐轄都監各以兵從出聽其節

制正官願行者聽紹興二年詔郡守臣罷帶兵職諸路



副總管可依舊改充路分鈐轄五年密院言東南多事合要近上兵官總領軍政乃詔兩浙江南荆湖福建廣東可依三路置總管於帥府七年淮東置總管十二年諸路並置州總管一員

都副鈐轄

州鈐轄附

宋初以朝官及諸司使以上充或一州或一路或兩路三路亦有無都字者嘉祐詔內臣爲鈐轄都監者逐路止置一員祖宗時不常置成都大府帥臣第帶兵馬鈐轄而兩武臣之爲鈐轄者與鈞禮張詠知益州羣盜充斥詠一日召鈐轄以州印付之日盜勢如此而鈐轄晏然無討賊心是必欲詠自行也鈐轄宜權州事鈐轄驚日某今行矣詠置酒

餞之日鈐轄今往必破賊若無功而還必斷頭於此樓下鈐轄震慄遂平賊而還焉又續會要載兩朝國史云官高資深充都鈐轄官卑資淺稱鈐轄建炎三年詔要郡守臣兼兵鈐轄

改爲路分都監而帥府如故自從益瀘葭廣桂五州牧皆以都鈐爲稱而江西贛州以多盜其守臣亦帶江西兵馬鈐轄至於武臣爲路鈐者亦無尺籍伍符然每歲猶往諸州按閱特存故事而已間有得旨葺治軍器或訓練禁軍者則仍帶入銜二十八年鎮江府守楊揆言舊政法一路則有路分鈐轄一州則有州鈐轄如常秀平江皆有之獨鎮江闕欲添置州鈐轄從之淳熙間詔諸路訓練路鈐並要年六十以下曾經從軍有才武人



充紹熙初詔雜流出身不得注路分州鈐都監專注才武及曾任主兵官之人

兵馬都監

州都監附

宋朝兵馬都監有路分掌本路禁旅屯戍邊防訓練之政令以肅清所部建炎三年以要郡守臣帶本路兵馬都監武臣一員充副都監紹興三年罷守臣兼兵職而副都監如故州都監則以大小使臣充掌本城屯駐兵甲訓練差使之事兼在城巡檢資淺者爲監押或雜用文臣其後止用武臣

巡檢

宋朝有沿邊溪洞都巡檢或蕃漢都巡檢或數州數縣管界或一州一縣巡檢掌訓練甲兵巡邏州邑擒捕盜賊事又有刀魚船戰棹巡檢江河淮海置捉賊巡檢又巡馬遞鋪巡河巡捉私茶鹽等各視其名分以修舉職業皆掌巡邏機察之事中興後凡沿江沿海招集水軍控扼要害及地分闊遠處皆置巡檢一員往來接連合相應援處則置都巡檢以總之皆以才武大小使臣充各隨所在聽州縣守令節制本寨事並用取州縣指揮若海南瓊管及歸峽荆門等處跨連數郡控制溪峒又置水陸都巡檢使或三州都巡檢使以增重之



文獻通考卷第五十九

鄱 陽 馬 端 臨 貴 與 著

職官考十四

東宮官總叙

凡三王教世子必以禮樂樂所以修內禮所以修外禮

樂交錯於中發形於外是故其成也懌恭敬而溫文心中

也懌立太傅少傅以養之欲其知父子君臣之道也言

悅也太傅審父子君臣之道以示之少傅奉世子以養

者積浸觀太傅之德行而審諭之太傅在前少傅在後謂其在

入則有保出則有師謂燕居出入時也漢班彪上書曰



則太顛闕天南宮迺散宜生左右前後皆正禮是以教諭而德成也師也者教

之以事而論諸德者也保也者慎其身以輔翼之而歸

諸道者也慎其身者謹安護之秦漢以下始加置詹事中庶子及

諸府寺等官亦有以他官而監護者漢孝宣帝欲令中郎將許舜監護太

子家疏廣以為示狹非所以廣太子也後漢順帝立太

子居承光宮以侍御史种暲監護有中常侍卒乘衣車

來載太子太子太傅杜喬憂懼不能止開門將出而暲

至手劍當車曰太子國之儲副人命所繫常侍來無尺

一何以得將太子去何知不與內寵姦臣共挾邪謀今

日之事有死而已乃遣喬詣臺啓白得中奉赦乃聽之

自魏明帝以後久曠東宮制度闕廢官司不具吳孫權

登為太子兼置四友等官以諸葛恪為左輔張休為右

弼顧譚為輔正都尉陳表為翼正都尉是為四友於是

東宮號晉初詹事左右率庶子中舍人諸官並未置惟

為多士

置衛率令典兵二傅并攝眾事至咸寧元年始置詹事

以領官事宋孝武置東宮率更令等官其中庶子庶子

中舍人舍人洗馬各減舊員之半後周加置太子諫議

員四人至隋罷詹事分東宮置門下坊典書坊北齊已

坊以分統諸局北門下內史二省門下坊有左庶子二人內舍

人四人錄事二人統司經官門內直典膳藥藏齋師等

六局典書坊有右庶子二人舍人通事舍人各八人領

內坊唐置詹事府以統眾務置左右二春坊以領諸局

龍朔二年改門下坊為左春坊典書坊為左春坊置左

右春坊咸亨初復舊景雲元年又改為之

庶子二人中允二人司議郎四人錄事二人左諭德一



人左贊善大夫五人崇文館校書郎八人亦統六局六局之中唯改齋師為典設餘局各與隋同其六局長官唯司經置洗馬官門置大夫餘各置監以局各冠之所職如其名龍朔中改宮門大夫及諸監並為郎遂為永制也右春坊置右庶子二人中舍人二人舍人四人錄事二人右諭德一人右贊善大夫五人通事舍人八人兼領內坊內坊置典內二人掌閣內諸事諸坊局小吏各有差因隋制也

宋仍唐制東宮有六傅下至率更令僕右官存而無職司至道元年建儲闈置賓客二人左右庶子諭德中舍各一人並以他官兼充左右春坊鑄印置吏員及太子登極則省春坊司累朝皆然真宗在東宮建堂習射名

繼照堂有勾當官三人以諸司使及內侍充仁宗在東宮肄學建堂名資善堂有都監一人以入內侍都知押班充

### 太子六傅

太子師保二傅殷周已有逮乎列國秦亦有之孝公時商鞅設

法黥太子師傳是也漢高帝以叔孫通為太子太傅位次太常後

亦有少傅高帝東征留太子監關中兵謂張良曰子房雖病強卧而傅太子時叔孫通為太傅留侯

行少傅事又疏廣字仲翁為太傅兄子受為少傅父子並為師傅朝廷以為榮又常元成丙吉並為太傅又匡

衡王丹並為少傅後漢太傅禮如師不領官屬而少傅主太子

官屬漢魏故事太子於二傅執弟子禮皆為書不曰令

少傅稱臣而太傅不臣吳薛綜綜子瑩瑩子兼三代並為太子少傅晉太始



三年武帝始建置東宮各置一人尚未置詹事官事無大小皆由二傅少傅立草太傅書真以為儲訓並有功曹主簿五官秩與後漢同皇太子先拜諸傅然後答之如弟子事師之禮二傅不得上疏曲敬武帝後以儲副體尊遂命諸公居之以本位重故或行或領時侍中任愷武帝所親敬復使領之蓋一時之制也咸康元年以給事黃門侍郎楊珧為詹事掌宮事二傅不復領官屬及楊珧為衛將軍領少傅復省詹事遂崇廣傅訓命太尉賈充領太保司空齊王攸領太傅所置吏屬復如舊二傅皆進賢兩梁冠黑介幘五時朝服佩水蒼玉

晉令曰太

子太保銀印青綬

其後太尉汝南王亮車騎將軍楊駿司空衛

瓘石鑿皆領傅保猶不置詹事以終武帝之代惠帝元

康元年復置詹事

二傅給菜田六頃田騶五十人夏後不及田者食俸一年給赤耳安車一

乘又愍懷建宮乃置六傅三太三少以景帝諱師故改

太師為太帥通省尚書事詹事文書關由六傅

職官要錄曰晉

太子六傅各有丞一人

自元康之後諸傅或三或四或六渡江之

後有太傅少傅不立師保宋有太傅少傅各兼丞一人

其保傅並銀章青綬齊與宋同武帝時以王儉為少傅

舊太子敬二傅同至是朝議接少傅以賓友之禮梁太

傅位視尚書令少傅視左僕射

職官要錄曰三少舊視左僕射冠服同三太也



陳因之自宋以下惟有傳而無師保後魏有太師太傅

太保謂之東宮三師少師少傅少保謂之東宮三少孝明

在東宮宣武皇帝欲以霍光為太子師傅光固辭帝令太子南面再拜宮臣皆從太子拜光北面立不敢答拜

唯西面拜謝而出北齊皆有之出則三師在前三少在

後後周不置隋與北齊同唐六傅不必備唯其人太子

出則乘輅備儀以為後從貞觀中太宗撰太子接三師

之儀出殿門迎太子先拜三師答拜每門讓三師坐與

三師書前名惶恐後名惶恐再拜先天元年十二月詔東宮三師三少宜開

府置令丞各一人隸詹事府尋罷

宋朝師傅不常設仁宗升儲置三少各一人李文定公

助以參知政事兼掌賓客及陞左相遂進兼少傅此宰

相兼官僚之所從始也丁謂兼少師馮拯兼少傅曹利

用兼少保是時實為東宮官餘多以前宰執為致仕官

若太子太師太傅太保以待宰相官未至僕射者及樞

密使致仕亦隨本官高下除授太子少師少傅少保以

待前執政其少師非經顧命不除若本官至尚書即除

少傅丞郎給諫只除少保若因遷轉則遞進一官至太

師即遷司空矣天禧末皇太子同聽政乃以首相兼少

師樞密曹利用兼賓客自後神宗欽宗孝宗光宗在東

宮皆不置開禧三年史同知彌遠自詹事入樞府乃進



兼賓客已而太子侍立遂以錢丞相象祖兼太子少傅  
明年景獻太子立並置二相錢左相改兼少師史右相  
兼少傅未幾右相丁內艱左相亦去位又明年右相起  
復遂進兼少師焉

太子賓客

漢高帝時有四人年老以上慢侮逃匿山中義不爲漢

臣謂之四皓

東園公綺里季夏黃公角里先生

高帝不能致及將廢太

子太子迎四人至侍從太子鬚眉皓白衣冠甚偉高帝  
既見曰煩公幸卒護太子太子由是不廢至孝武帝又  
爲太子立博望苑使通賓客晉元康元年愍懷太子始

之東宮惠帝詔曰適幼蒙今出止東宮雖賴師傅羣賢  
之訓其遊處左右宜得正人能相長益者太保衛瓘司  
空隴西王泰太子太傅楊濟太子少師裴楷太子少傅  
華廙各道義之門有不肅之訓其令五人更往來與太  
子習數備賓友也其時雖非官而謂之東宮賓客皆選  
文義之士以侍儲皇其後無聞唐顯慶元年正月以太  
子太傅兼侍中韓瑗中書令來濟禮部尚書許敬宗左  
僕射兼太子少師于志寧並爲皇太子賓客遂爲官員  
定置四人掌調護侍從規諫凡太子有賓客之事則爲  
上齒蓋取象於四皓焉資位閑重其流不雜

天寶中賀知章自太



子賓客度爲道士還鄉捨宅爲觀元宗賦詩贈別時議榮之

宋至道元年建儲乃置賓客二人以他官兼天禧四年參政任中正樞副錢惟演參政王曾並兼太子賓客執政兼東宮官自此始中興後賓客罕除開禧三年景憲太子立始以執政兼賓客後復省

太子詹事 少詹 丞 主簿 司直

詹事秦官

應劭曰詹省也給也

漢因之掌皇后太子家

皇后太子各置詹事

隨其所在以名官漢官曰詹事位長秋上亦宦者主中諸官後漢志曰初成帝鴻嘉三年省詹事職并大長秋是後皇后當法駕出則中謁中宦者職吏權兼詹事奉引訖罷宦者誅後尚書選兼職吏一人奉引此皆皇后詹事也 漢時太子門大夫庶子洗馬舍人皆屬二傅其太

子家令丞率更令丞僕中盾衛率等官並屬詹事後漢

省詹事而太子官悉屬少傅魏復置詹事領東宮衆務

晉不置至咸寧元年復置以掌宮事

事具六傳篇

及永康中

復不置自太安以來又置終孝懷之代其職擬尚書令

掌三令四率中庶子庶子洗馬舍人等官銀印青綬介

幘進賢兩梁冠絳朝服佩水蒼玉宋與晉同齊置府領

官屬

齊沈文季爲太子詹事

梁陳任總宮朝後魏有太子左右詹

事北齊東宮衆事無大小皆統之領三寺二坊及左右

衛後周置太子宫正宮尹隋開皇初置詹事二年罷之

唐復置詹事府詹事一人掌內外衆務糾彈非違總判



府事置少詹事一人以貳之龍朔二年改詹事為端尹

詹事府為少詹事為少尹咸亨初復舊垂拱元年又改

詹事為官尹少詹事為少尹神龍初復舊

丞秦官漢因之後漢省魏晉隋詹事省置至晉永康中

詹事特置丞一人掌文書關通六傳過江多用員外郎

遷尚書郎宋齊因之梁陳制一梁冠阜朝服銅印墨綬

後魏北齊並有之後魏楊昱字元畧為詹事丞孝明為

太子尚在懷抱其所出入唯乳母而

已不令官僚聞知昱諫曰太子動止宜令翼從陛下若

召太子必降手勅令臣下咸知乃詔曰自此已後非朕

手勅勿令兒出宮宮隋初置一人唐置二人掌文武官

臣在直從至萬歲門簿帳朝集假使分判府事

主簿一人晉始置自後歷代皆有唐因之掌府事勾稽

監印紙筆

司直二人唐龍朔三年置桂坊比御史臺置令一人比

大夫司直二人比侍御史掌彈劾宮府察其後廢桂坊

以司直隸詹事府

宋東宮官有詹事仁宗陞儲置詹事二人神宗欽宗陞

儲並置二人皆以他官兼登位後省乾道元年莊文太

子立置詹事二人踰月詔太子詹事遇東宮講讀日並

往陪侍七年光宗正儲位以敷文閣直學士王十朋敷  
文閣待制陳良翰為太子詹事不兼他官非常制也



太子庶子

中允 事舍人

司議郎 諭德

中舍人 贊善

舍人 崇文館學士

通

洗馬 內直

文學 典設

校書 宮門等郎

正字

典膳

藥藏

古者天子有庶子之官

周官謂之諸子

職諸侯卿大夫之庶子

掌其戒令與其教理有大事則帥國子而致於太子惟

所用之秦因之置中庶子庶子員

宋志云後漢置中庶子按齊人鄒陽上疏

云秦皇帝任中庶子蒙嘉之言而七首竊發則秦官明矣

漢因之有庶子員五人史

丹王商歐陽地餘並為中庶子

王莽改曰中尚翼子

後漢員五人

職如侍中而庶子無員職如三署中郎凡庶子主宮中

并諸吏之適子及支庶版籍魏因之在吳為親近之官

晉中庶子庶子各四員職比散騎常侍及中書監令皆

以俊茂者為之或以郡守參選

鄭默為中庶子朝廷以

默上言皇太子體皇極之尊無私於天下宮臣皆受命

天朝不得同之藩國事遂施行又王珣啓以桓謙為中

庶子曰東宮之選中庶子總若釋奠中庶子扶左庶子

管門下尤不可不得其才 扶右宋與晉同武官平巾幘絳朝服元嘉初詔二率中

庶子隨太子入直上宮十四年又詔還直東宮至齊其

庶子用人卑雜梁天監七年詔革選其年以太子中舍

人司徒從事中郎為之凡中庶子四人以功高者一人

為祭酒行則負璽前後部護駕與功高中舍人一人共

掌其坊之禁令庶子四人掌侍從左右獻納得失與功

高通事舍人一人共掌其坊之禁令冠服並同前代陳



因梁制後魏亦有中庶子庶子官北齊門下坊中庶子  
四人領之典書坊庶子四人領之隋分爲左右庶子各  
二人分統門下典書二坊事唐亦各二人分掌左右春  
坊事龍朔二年改左右庶子爲左右中護咸亨初復舊  
左擬侍中右擬中書令貞觀中詔曰皇太子與百官書  
疏未有制式近代以來例皆名  
目無以別貴賤今凡處分論事之書皇太子並宜稱令  
右庶子以下署名宣奉行書其餘與諸親及師傅等書  
不在  
此限中允司議郎司經洗馬文學校書正字典膳藥藏  
內直典設宮門等局郎丞崇文館並屬右春坊中舍人  
舍人通事舍人並屬左春坊諭德贊善亦左右分隸  
中允後漢太子官屬有之職在中庶子下洗馬上漢制

太子五日一朝其非朝日卽使僕及中允朝朝請問起  
居其後無聞宋齊有中舍人是其職也唐貞觀初改太  
子中舍人爲中允置二員其後復置中舍人龍朔二年  
又改中允爲左贊善大夫咸亨元年復爲中允而左贊  
善仍置焉中允掌侍從禮儀駁正啓奏并監藥及通判  
坊局事若庶子闕則監封題職擬黃門侍郎永徽三年  
以皇太子諱忠改爲內允太子遜位而官復舊  
司議郎唐貞觀五年皇太子上表請置史職用司箴誠  
乃於門下坊置太子司議郎四人精選名士以居之龍  
朔中分爲左右以左司議郎替司議郎以右司議郎替



舍人咸亨初復舊掌侍從規諫駁正啓奏并錄東宮記注分判坊事職擬給事中

中舍人晉咸寧初置中舍人四人以舍人才學之美者爲之與中庶子共掌文翰在中庶子下洗馬上

晉陸雲爲中舍

人凡奏事文書皆綜典之監和嘗藥月檢奏直臣名更直五日典文疏如中書郎宋亦四人齊有一人梁時功高者一人與中庶子祭酒共掌其坊之禁令陳因之後魏北齊並有之隋曰內舍人四員屬門下坊煬帝減二人唐中舍人二員掌侍從令書奏疏通判坊事擬中書侍郎永徽三年以皇太子諱忠改爲內舍人太子遜位

而官復舊或謂之太子中書舍人

孝和實錄曰王友真太子中書舍人

舍人秦官也漢因之比郎中選良家子孫

晁錯鄭當時並爲太子舍

人後漢無員更直宿衛如三署郎中凡帝初卽位未有

太子太子官屬皆罷唯舍人不省屬少府魏因之晉有十六人職比散騎中書侍郎從駕則正直從次直守妃出則次直從宋有四人齊有一人梁有十六人掌文記陳因梁制後魏亦有之北齊典書坊置二十人隋典書坊有八人煬帝改爲管記舍人減四員唐復爲太子舍人四人掌侍從表啓宣行令旨分判坊事龍朔二年改爲右司議郎咸亨元年復舊



通事舍人齊中庶子屬官有通事守舍人庶子下有內典書通事舍人二人掌宣傳令旨內外啓奏梁亦有之視南臺御史多以餘官兼職陳因之北齊門下坊有通事舍人八人至隋亦有之煬帝改爲宣令舍人八員唐復爲通事舍人亦有八員掌引導辭見承旨勞問左右諭德龍朔三年初置太子左右諭德各一員掌侍從贊諭職比常侍

左右贊善大夫龍朔二年置左贊善大夫替中允置右贊善大夫替中舍人咸亨元年中允舍人復舊而贊善大夫別自爲官左右各五人掌侍從翊養比諫議大夫

崇文館學士魏文帝始置崇文觀以王肅爲祭酒其後無聞貞觀中置崇賢館有學士直學士員掌經籍圖書教授諸王屬左春坊龍朔二年改司經局爲桂坊管崇賢館而罷隸右春坊兼置文學四員司直二員司直正七品上職爲東宮之憲司府門北向以象御史臺也其後省桂坊而崇賢又屬左春坊後沛王賢爲皇太子避其名改爲崇文館其學士例與弘文館同

洗馬秦官漢亦曰先馬

如淳曰前驅也國語曰勾踐親爲夫差先馬先或作洗後

漢員十六人職如謁者太子出則當直者前驅導威儀也

漢選郎中補

安帝時太子謁廟洗馬高山冠非乘從時著



小冠魏因之晉有八人職如謁者准祕書郎進賢一梁冠黑介幘絳朝服掌圖籍釋奠講經則掌其事餘與後漢同宋與晉同齊置一人梁有典經局又置八人掌文翰尤爲清選皆取甲族有才名者爲之位視通直郎陳因之北齊典經坊洗馬二人隋曰司經局置洗馬四人煬帝減二人唐司經局洗馬二人龍朔二年改洗馬爲司經大夫三年改司經局爲桂坊一云析司經局置桂坊司經大夫通判坊事罷隸左春坊咸亨初復舊掌侍奉及經史圖籍判局事

文學漢時郡及王國並有文學而東宮無聞魏武置太

子文學自後並無至後周建德三年太子文學十人後省龍朔三年置太子文學四員屬桂坊桂坊廢而屬司經開元中定制爲三員掌侍奉分掌四部書判書坊事校書宋孝建中洗馬有校書吏四人自後無聞北齊有太子校書隋太子校書有六人唐四人掌讎校經籍正字隋太子正字二員煬帝改爲正書唐復爲正字亦置二人掌刊正文字

典膳郎漢魏以來並有太子食官局至北齊門下坊始別置典膳局有監丞各二人隋如北齊之制唐典膳局有郎二人丞二人郎掌進膳嘗食之事丞貳之

乾封元年皇太



子久在內不出典膳丞邢文偉請減膳其年右史闕宰  
臣進擬數人高宗曰邢文偉嫌我兒不讀書不肯與肉  
契此人甚直  
可用遂拜焉

藥藏郎北齊門下坊領藥藏局有監丞各二人侍藥四  
人隋如北齊之制唐藥藏局有郎二人丞二人郎掌和  
劑醫藥之事丞貳之員  
內直郎齊有太子內直兵局內直兵史二人梁有直內  
主璽主衣扶持等局各置有司以丞其事陳因之北齊  
門下坊領殿內局有內直監二人副監四人隋如北齊  
制唐內直局有郎三人丞二人掌符璽繖扇几案衣服  
之事丞貳之員

典設郎南齊置居局齋庫丞二人梁齋內局各置有司  
以丞其事陳因之北齊門下坊有齋師局有太子齋師  
內閣師各二人隋如北齊制唐典設局有郎四人掌凡  
大祭祀湯沐洒掃鋪陳之事

宮門郎秦有太子門大夫漢因之員二人  
漢官儀曰門大夫選四府

掾職比郎將  
漢官儀曰安帝時太子謁廟門大夫乘從冠兩梁冠魏因之晉太子

門大夫准公車令掌通牋表及宮門禁防宋因之梁代  
視謁者僕射陳因之北齊謂之門大夫坊并統伶官隋  
煬帝改門大夫為宮門監唐初為宮門大夫其門宮局  
有監郎二人丞二人郎掌東宮殿門管鑰及啓閉之事



丞貳之

宋制東宮官有左右庶子諭德舊不常設每儲闈之建隨宜制官以備寮案多以他官兼領仁宗神宗陞儲庶子諭德各置二人欽宗陞儲置一人乾道中庶子諭德除左不除右七年詔庶子諭德輪日入宮仍同供職事太子侍讀侍講唐太宗爲秦王府有侍講及爲太子亦置焉其後或置或否開元初十王宅引辭學士書者入教亦命名爲侍讀而初不設侍講之官至宋神宗陞儲時始定制置侍講侍讀各一人中舍人舍人至道天禧建儲各置一人神宗欽宗登儲皆置中興後省嘉

泰初始除王元實後以館職任伯起兼之慶元令太子舍人與中舍人皆從七品而中舍人又在舍人上然故事未嘗除資善堂大中祥符八年仁宗肄學始置至紹興五年孝宗以建國公就傅就禁中置學館建資善堂以范冲朱震爲翊善舊制有翊善贊讀直講中興以後增置說書小學教授開禧初皇子初封榮王命程少逸趙子中領贊讀不稱王府而以資善繫銜蓋以未出閣之故

乾道七年禮部太常寺言討論東宮開講并節朔賀慶辭謝禮儀宮僚講讀無已行故事當依依倣講筵稍



殺其禮每遇講讀詹事以下至講讀官上堂並用賓禮參見依官職序坐皇太子正席講讀官迭起如延英儀講罷復位節朔不受官僚參賀元日冬至詹事以下賤賀謝辭初以常見之禮後離位致辭復位就坐茶湯罷詹事初上參見皇太子拜皇太子答拜庶子等初上參見皇太子拜皇太子受拜庶子論德及講讀官雖有坐受之禮止是五禮新儀所載兼日逐致拜之禮近例皆已不行或遇合致拜日更不參酌天禧至道故事施行並從之按天禧二年前左庶子張善堂參見皇太子雖令升階列拜然後跪受望令皇太子坐受參見詔不許至道元年皇太子每見賓客

必先拜迎送常降階及門

太子家令

丞署

主簿

食官署

典倉署

司藏

家令秦官屬詹事

服虔曰太子稱家故曰家令

漢因之有丞主倉穀

飲食職似司農少府漢代太子食湯沐邑十縣家令主之後漢則屬少傅主倉穀飲食魏因之晉又兼主刑獄穀貨飲食職比廷尉司農少府其家令率更令及僕為太子三卿太康八年進品與中庶子二率同自漢至晉家令在率更下宋則居上銅印墨綬進賢兩梁冠絳朝服主內茵褥牀几諸供中之物及官奴婢月用錢庫內鹽米車牛刑獄齊因之自宋齊以來清流者不為之至



梁天監六年武帝以三卿陵替乃詔革選家令視常侍黃門陳因之後魏亦曰三卿北齊家令有功曹主簿領食官典倉司藏等三署及領內防令丞隋掌刑法食膳倉庫奴婢等煬帝改爲司府令唐復爲家令寺置家令一人唯不主刑法餘與隋同龍朔二年改家令寺爲官府寺家令爲官府大夫咸亨初復舊丞二人主簿一人領食官署典倉署司藏署署令各一人丞各二人丞漢家令有丞後無聞宋書云家令丞一人晉置宋齊以後並有之後周無隋家令丞二人唐因之龍朔二年改爲宮府丞咸亨元年復舊掌判寺事

主簿晉家令有主簿宋齊因之自後無北齊家令有主簿員隋亦然唐因之掌印并及勾舉

食官署令丞漢詹事屬官有食官令長丞後漢亦有而屬少傅主飲食晉太子食官令職如太官令宋則屬中庶子齊則屬詹事掌厨膳之事梁食官局屬庶子陳因之後魏亦有北齊有食官令丞又別領器局酒局二丞隋家令寺統食官令丞令一人丞二人唐因之掌飲膳之事

典倉署令後漢太子倉令屬少傅主倉穀魏以下無聞後魏有之北齊家令寺領典倉署令丞典倉署又別領



園丞隋家令寺統典倉令丞令一人丞二人唐因之掌穀藏出納及醯醢庶羞之事

司藏署令晉家令有主物吏四人梁有錫賜庫局丞庶子又有東宮衛庫丞北齊家令寺領司藏署令丞司藏又別領仗庫興作二局丞隋家令統司藏署令一人丞二人唐因之掌藏庫財貨營繕之事

宋有主管左右春坊事二人以內臣兼同主管左右春坊事

二人以武臣兼承受官一人以內侍兼仁宗神宗陞儲位並有之

中興後孝宗光宗正儲位及莊文景獻太子皆置其官

太子率更令丞主簿

率更令秦官

顏師古曰掌知漢因之有丞主簿庶子舍

人更直職似光祿勳而屬詹事後漢因之後屬少傅魏

因之晉主宮殿門戶及賞罰事職如光祿勳衛尉而屬

詹事宋制銅印墨綬進賢兩梁冠絳朝服梁陳後魏並

有之北齊領中盾署掌周衛禁防漏刻鍾鼓亦屬詹事

隋掌伎樂漏刻有令丞錄事各一人唐因之加掌皇族

次序及刑法事龍朔二年改率更寺為司更寺改令為

大夫咸亨初復舊丞主簿各一人

丞後漢率更置丞一人歷代悉有唯後周無唐因隋掌

判禮樂刑罰之事



主簿晉置一人宋無齊有之自後無聞北齊隋又有之  
唐因之掌印及勾舉人

大夫太子僕丞主簿廐牧署

僕秦官漢因之又有長丞主車馬又有太子廐長一人亦主車馬後漢

因之而屬少傅職如太僕太子五日一朝其非太子朝

日即與中允入問起居魏因之晉主與馬兼主親族如

太僕宗正從駕乘安車次家令而屬詹事宋齊並有之

梁視黃門郎陳因之後魏亦有北齊詹事領僕寺置令

丞功曹主簿領廐牧署令隋僕寺置僕一人掌皇族親

踈車輿騎乘領廐牧署令唐因之加掌儀仗喪葬而不

掌親族龍朔二年改僕寺為馭僕寺改僕為大夫咸亨

初復舊丞主簿各一人統廐牧署

丞梁有之陳因之後魏北齊隋並有之唐因之

主簿晉置宋無齊有之梁陳後魏無北齊隋皆有之唐

因之

廐牧署令丞漢有太子廐長丞屬詹事後漢亦有而屬

少傅主車馬魏晉因之齊東宮屬有內廐局外廐局皆

有丞梁陳因之後魏有之北齊則曰廐牧署令丞車輿

局丞隋僕寺統廐牧署令丞唐因之掌車馬閑廐牧畜

之事



左右衛率府 副率 長史以下官屬

衛率府秦官漢因之屬詹事後漢主門衛徼循衛士而屬少傅魏因之晉武帝建東宮置衛率初曰中衛率太始五年分爲左右衛率各領一軍惠帝時愍懷太子在東宮又加前後二衛率晉志曰凡太子出前衛率導在後衛率從在烏皮外並帶戟執刀其服並視左右衛將軍劉卞爲愍懷太子左率知賈后必害太子乃謂張華曰東宮雋又如林四率精兵萬人公居阿衡之任若得公命皇太子因朝使錄尚書事廢賈后於金墉兩黃門力耳華不從成都王穎爲太弟又置中衛率是爲五率及江左省前後率孝武太元中又置宋齊止署左右二率梁二率視御史中丞銅印墨綬武冠絳朝服左率領七營

右率領四營陳有二率後魏曰左右衛率北齊謂之左右衛率坊後周東宮有司戎司武司衛等員隋曰左右率兼有副率二人煬帝改左右衛率爲左右侍率兼置副率二人唐爲左右衛率府龍朔二年改其府爲左右典戎衛咸亨元年復舊置率各一人領兵宿衛督攝隊伍總判府事李靖爲中書令行左衛率轉兵部尚書副率二人掌貳率事長史各一人隋置唐因之掌通判自長史以下胄曹以上諸率府並同

錄事參軍各一人隋置唐因之掌勾稽監印倉曹參軍各一人隋置唐因之掌官員假使儀式糧廩



膳羞田園公廨遇所監藥等事

兵曹參軍各一人隋置唐因之掌府內衛士以上名帳差科及公私馬驢等

冑曹參軍各一人隋置爲鎧曹唐長安中改爲冑曹參軍神龍初復爲鎧曹太極中復爲冑曹掌軍器儀仗公廨營造罪罰長吏以下官局所領職務諸率府並同親府勳府翊府中郎將各一人梁左右衛率共領十一營一率各領殿中將軍十人員外將軍十人北齊左右衛坊率各領騎官備身員外又有內直備身正副都督隋左右衛率下直閣四人直寢八人直齋直後各十人

唐則曰親勳翊三府各置中郎將左右郎將各一人唐置錄事兵曹參軍各一人古東自宋制左右衛司禦清道監門內率府率率府副率不常置中興後惟監門率府副率爲環衛階官

左右司禦率府

隋文帝置左右宗衛官制如左右衛各掌以皇族侍衛煬帝改左右武侍率唐爲左右宗衛率府龍朔二年改爲左右司禦衛後改衛爲率府神龍初復爲宗衛景雲

二年復爲司禦率府置率各一人掌與左右衛率同副率

以下職亦同他准此副率二人長史錄事及倉兵冑參軍各一人



左右清道率府  
隋有左右虞候各置開府一人掌斥堠伺姦非長史以下如左右衛煬帝改開府為左右虞候并置副率二人唐為左右虞候率府職擬左右金吾龍朔二年改為左右清道衛神龍初又為虞候率府開元初為清道率府各置率一人掌斥堠道路先驅後殿伺察姦非副率二人長史錄事及倉兵曹參軍各一人  
宋至道元年東宮置左清道率府副率兼左春坊謁者主贊引真宗登位省仁宗在東宮復以郭承慶夏元亨為之登位復省

### 左右監門率府

隋左右監門率各置一人掌諸門禁煬帝改為監門將軍唐復為左右監門率擬左右監門龍朔二年改為左右崇掖衛咸亨初復舊垂拱中改為鶴禁衛神龍初復舊各置率一人掌門禁凡財物出有籍副率二人長史錄事參軍及兵曹二曹參軍各一人

### 左右內率府

隋置左右率副率各一人掌領備身以上

所領千牛以下與千牛衛

同禁內侍衛供奉兵仗唐為左右內率府龍朔二年改為左右奉裕衛咸亨初復舊各置率一人掌侍衛左右



供奉兵仗副率長史錄事參軍及兵曹各一人千牛各  
十六人掌執細刀弓箭宿衛侍從備身各二十八人掌  
宿衛侍從龍朔三年改太子左右千牛備身為太子左  
右奉裕尋復舊

太子旅賁中郎將  
旅賁中郎將一人職如武賁中郎將宋初置天子有武  
賁習武訓也諸侯有旅賁禦災害也唐諸率府初有中  
郎郎將官永徽元年以太子名忠改諸率府中郎將為  
旅賁郎將其郎將改為翊軍後或改或省

### 太孫官屬附

唐永淳元年三月立皇孫重照為皇太孫將置府寮高  
宗召吏部郎中王方慶問曰前代故事如何方慶進曰  
臣按周禮有嫡孫漢魏以來皇太子在亦不立太孫晉  
惠帝永寧元年立愍懷太子第二子襄陽王尙為皇太  
孫太子官屬卽轉為太孫官屬南齊永明十年立文惠  
太子長子南郡王昭業為皇太孫便居東宮今皇太子  
在而立太孫旁求載籍未有前例上曰自我作古可乎  
對曰五帝不相沿樂苟不失上下之序不虧政理之道  
亦何事而不可上悅使方慶詳求典故官屬乃奏太孫  
府置師傅友文學祭酒及長史曹掾主簿管記司錄以



下六曹從事等官各加王府一級上後頗以爲疑竟不補授而止

朱子語錄曰或問東宮官屬曰唐六典載太子東宮官制甚詳如一小朝廷置詹事以統衆務則猶猶朝廷之尚書也置左右二春坊以領衆局則猶朝廷之中書門下省也左右春坊又皆設官又各帥其屬之意崇文館猶朝廷之館閣贊善大夫猶朝廷之諫議大夫其官職一視朝廷而爲之隆殺此等制度猶存今之東宮官屬極苟簡左右春坊舊制選賢德者爲之今遂用武弁之小有才者其次

惟有講讀數員而已如贊善大夫諸官又但爲階官非實有職業神宗以唐六典改官制當時亦有不會討論者如東宮官屬之不備是也舊嘗入劄論東宮官制踈畧宜倣舊損益之不報

### 六院四轄

#### 檢院

周置大司寇南梁武帝天監元年詔於公府置唐天寶九載改理匭使爲獻納使後又改知匭使

宋雍熙元年改匭爲檢

東延恩曰崇仁南招諫曰思諫西申寃曰申明北通元曰招賢

景德四年改爲登聞檢院命樞密直學士張詠判內品



監門不得隸諫議大夫掌受文武官及士民章奏表疏  
關預公事隸諫議大夫掌受文武官及士民章奏表疏  
凡言朝政得失公私利害軍期機密陳乞恩賞理雪冤  
濫及奇方異術皆受以通達凡進狀者先鼓院若為所  
抑則詣檢院外有理檢院使今不置始於淳化三年置  
理檢院於乾元門西北廊以知制誥錢若  
水領之復唐制也至道三年廢天聖七年上因讀唐史  
見甄彜函達下民冤枉之事乃置甄彜函仍專命御史中丞  
為理檢院中興之初因舊制置局於闕門之前舊左宣  
使以分記  
德門外  
仗隸門建炎三年專隸諫院南渡以來創治所於和寧  
門之下紹興戊寅復承平之制移置居雙闕之左

### 官登聞鼓院

古者朝有誹謗之未敢諫之鼓所以通治道而來諫者

也

宋朝曰鼓司以內臣掌之鼓在宣德門南街北廊至道  
三年命太子中舍王濟勾當鼓司用朝臣勾當自此始  
景德四年詔改為登聞鼓院掌諸上封而進之以達萬  
人之情隸司諫正言凡文武臣寮閣門無例通進文字  
並先經登聞鼓院進狀未經鼓院者檢院不得收接建  
炎元年因舊制置局於闕門之前高宗卽位於南京召  
李綱為宰相綱奏曰  
今艱難之際四方休戚利害日欲上聞而士民之願効  
其智慮者尤多而檢院鼓猶未置恐非所以通下情而  
急先務也三年專隸諫院

### 進奏院



唐藩鎮皆置邸京師以大將主之謂之上都留後大歷十二年改爲上都知進奏院官五代以來支郡不隸藩鎮補人爲者聽其置邸隸藩鎮者兼掌焉

宋緣舊制皆本州鎮補人爲進奏官其軍監塲務轉運司則差知後官則副知掌之逐州就京師各置進奏院太平興國六年諸州罷知後之名簡知後官得李楚等百五十人並充進奏官命供奉官張文瓌提轄諸道進奏院監官以京朝官及三班使臣充掌受詔勅及諸司符牒辨其州府軍監以頒下之并受天下章奏案牘狀牒以奏御及分授諸司中興以來隸門下後省給事中

點檢訖乾道九年依舊隸後省合傳報事令後省錄付報行

### 官誥院

宋初於右掖門置院四司誥身案並集於此以備中書除改本司郎官各主其事淳化五年始專置官司於省內凡官誥各以本司誥身印印之文臣用吏部武臣用兵部王公命婦用封加勳用司勳掌文武官將校誥身及封贈官誥院提舉一人以知制誥充判院一人以帶職京朝官充元豐五年行官制文武誥身屬吏部蕃官誥屬兵部封贈及命婦誥屬司封加勳并將校誥屬司



勲官誥院四部誥身案及吏人隨事隸本部七年并司封司勲誥身案入吏部預書庫收掌崇寧四年吏部轉置造官誥局五年罷令尚書右選主管大觀元年復置尋改爲官誥院仍隸左右司三年復罷歸吏部政和三年六月詔依舊置官誥院差官二員主管少府監鑄印記吏部製造誥身案記爲文中興以來因仍不改

### 審計院

宋朝以三司使總邦計司各有院以秉中外泉穀出入之政蓋會計之府也然案牘從委典者不能徧察而姦容焉淳化三年始用戶部使樊知古奏剔其冗籍復別

爲院置官專領之以聽稍食之要貳置院之初特掌騎兵徒兵給受之數猶未及諸司也元豐三年合步騎兩院爲一遂以其一主諸司自宮禁朝廷下至斗食佐史凡賦祿者以式法審其名數而稽其辭受唯郊賜給已乃審祿有疑予則詔以法凡四方之計籍上於大農則逆其會凡有司議調度會賦出則諏焉設員二曰左右廳分案六史八人其名舊爲諸軍諸司專勾司建炎元年避高宗御諱改諸軍諸司審計官

### 糧料院

宋初仍舊制以三司大將軍爲都糧料使自開寶六卒



以著作佐郎陸光範充改用京官自此始太平興國五年分諸司馬軍步軍爲三院八年以馬軍步軍合爲一院雍熙四年命供奉官陳處晦勾當諸司糧料供奉官曾祚勾當馬步軍糧料自後復分馬步軍爲兩院或以諸司使副分主之端拱二年復以京朝官主之元豐末併馬步軍與諸司爲二院隸太府寺掌以法式頒廩祿凡文武百官諸司諸軍俸料以券准給中興以來行在有諸軍諸司糧料院鎮江建康有分差諸軍糧料院鄂州有分差戶部糧料院四川總所有分差戶部魚關糧料院分差利州戶部糧料院

### 權貨務都茶場

權貨務掌折博斛米金帛之屬以朝官諸司使副內侍二人監太平興國中以先平嶺南及交趾諸國入貢通關市議於京師置權易院大中祥符中併入權貨務建炎中興又創都茶場給賣茶引隨行在所於權貨務置場雖分兩司而提轄監官並通銜管幹建炎四年詔權貨務都茶場依舊隸左右司其提領措置並罷其都茶場仍令提轄權貨務官兼行提轄尋徙越州一務場於建康又併真州一務場歸建康紹興五年詔建康鎮

江兩務場只是給賣鈔引三十二年詔三省今後選差文臣充監更不差武臣乾道六年詔依舊通差武臣先



是課入不立額唯視舊歲爲等差是歲始叩分有定數  
歲總爲錢二百四十萬萬行都受藏之所爲數八十萬  
萬於建康者一百二十萬萬於鎮江者四十萬萬

### 雜買雜賣務

宋朝雜買務舊曰市買司太平興國四年改至道中廢  
咸平復置以京朝及三班內侍三人監掌和市百物凡  
官禁官物所需以時供納雜賣務景德四年置掌受內  
外幣餘之物計直以待出貨或準折支用以內侍及三  
班二人監後亦差文武朝官紹興六年詔雜買務雜賣  
場置提轄官一員

### 文思院

宋朝太平興國三年置掌造金銀犀玉工巧之物金彩  
繪素裝鈿之飾以供輿輦冊寶法物及凡器服之用隸  
少府監熙寧三年詔文思院兩界監官立定文臣一員  
武臣一員朝廷選差其內侍勾當官並罷紹興三年詔  
少府監併歸文思院其上下界監官從工部辟差工部  
言所轄文思院舊分上下界監官三員內一員文臣係  
京朝官上界造作金銀珠玉下界造作銅鐵竹木雜料  
欲依舊分爲上下界從之隆興二年詔併禮物局入文  
思院



左藏庫

掌受四方財賦之入以待邦國之經費其原蓋起於周職內主賦入職歲主賦出而邦布之入出則外府又主之皆其職也晉始置左右藏令唐於左右藏分建東西庫以太府少卿知出納於左長慶門之東

宋初左右止一庫置使領焉太平興國二年分爲二庫淳化三年分置左右藏各二庫四年廢右併入左政和六年修建新庫以東西庫爲名中興因仍東西庫各以文臣監武臣同監其東幣帛絁紬之屬在焉其西金銀泉券絲纊之屬在焉紹興二十七年詔戶部於轄下丞

簿內選一員兼充左藏庫提轄官此提轄所由始也孝宗卽位詔將御前椿管激賞庫撥歸左藏庫以左藏南庫爲名專一椿管應副軍期支遣於是東西南三庫尋罷南庫大抵國家用度多靡於贍軍西蜀湖廣江淮之賦類歸四總領所以餉諸屯其送京者殆無幾唯閩浙悉輸焉東西庫歲入以端計者率百四十萬以緡計者率二千萬給遣稱是而大軍居十之七宮禁百司祿賜纔三之間有非泛浩繁之費則請於朝往往出內帑封樁以補所闕監官凡五人分帑而治舊以京朝官爲之今唯才是用故四選通得人



建炎以來朝野雜記曰六院官檢鼓糧審官誥進  
奏也例以京官知縣有政績者爲之亦有自郡守  
除者則繼卽除郎如鹿伯可是也故恩數畧視職  
事官而不入雜壓紹興十一年胡汝明以料院除  
監察御史遂遷副端乾道後相繼入臺者有宋敦  
書蕭之敏陳升卿傅淇等數人而六院彌重號爲  
察官之儲矣淳熙初龔實之秉政其內弟林宓幹  
辦審計司遇郊恩而林尚京秩乃白上以六院官  
班寺監丞之上林用是得封贈父母龔後爲謝廓  
然所論南竄此其一事也紹興二年夏六院官始  
復入雜壓在九寺簿之下焉

又曰六院官入雜壓事甲記已具淳熙四年旣削  
去近歲乃復舉行其班在五寺主簿之下太學博  
士之上六院官通計十二人皆得轉對但不入品  
耳然六院以爲邑有政績者爲之故例爲察官之  
選

又曰四提轄謂權貨務都茶場雜買務雜賣場文  
思院左藏東西庫是也權貨務場掌醴茗香礬鈔  
引之政令紹興初沿宣政舊例置提領官率以故  
省吏爲之後乃改用士人行在建康鎮江三務場



歲入凡二千四百萬緡

建康一千二百萬行在皆八百萬鎮江四百萬

以都司提領不係戶部之經費而在建康鎮江者

分屬總領所焉開禧末以總所使用儲積錢始徑

隸提領官不屬總所買務賣場蓋唐宮市之遺制

近制凡宮禁月料朝省紙劄文思院之製造和劑

局之修合皆所取給焉至若斥左帑封樁之幣餘

編枯打套則賣場掌之紹興六年始置提轄官總

其事先是四轄官外補則為州內遷則寺監丞簿

亦有徑為雜監司或入三館者

乾道八年十二月權貨王禮除福建

市舶左藏王楫除九路鑄錢淳熙七年二月熊子復自文思校書郎近歲望稍輕往

往更遷六院官或出為添倅非曩日之比矣

### 總官觀

宋朝設祠祿之官以佚老優賢祖宗時員數絕少

官制舊典

云祖宗待臣以禮雖年及掛冠未嘗直令致仕皆以官觀處之假以祿耳熙寧以後乃增焉

是時方經理時政患疲老不任事者廢職欲悉罷之乃

使任官觀以食其祿時相王安石亦欲以此處異議者

遂詔官觀毋限員並差知州人以三十月為任

### 在京官觀

宋朝舊制以宰相執政充使或丞郎學士以上充副使

兩省或五品以上為判官內侍官或諸司使副

政和改武臣官



制以使爲大爲都監又有提舉提點主管官其戚里近  
夫副使爲郎屬及前宰執留京師者多除官觀以示優禮之意紹興  
二十一年在京官觀依在外官祠以三十箇月爲任又紹  
興五年詔任在京觀請給人從前宰執依見任減十分  
之二閣學士已上依六曹侍郎直學士已上依中書舍  
人太中大夫已上依左右司郎中任樞密都承旨閣學  
士已上依天曹尚書直學士已上依六曹侍郎太中大  
夫已上依中書舍人

### 官觀使

唐天寶七載以給事中楊釗充九成宮使宮使之名自

此始

南部新書

宋朝祥符中真宗建玉清昭應宮王魏公旦爲首相始

命充使官觀置使自此始又有景靈宮會靈觀使然每  
爲宰相兼職天聖元年呂夷簡爲相時朝廷崇奉之意  
稍緩因請罷使名熙寧中富鄭公弼領集禧觀使居洛  
此官觀使居外之所從始也徽宗建玉清萬壽宮乃命  
宰執兼使副用真廟故事也近以前宰執奉朝請者領  
在京官觀使而在外舊相只除提舉官觀非祖宗優待  
宰相之體靖康以來猶未釐正蓋朝廷未暇講也政和  
八年太師魯國公蔡京少傅太宰鄭居中少保少宰余  
深檢校太保領樞密院事童貫並兼充神霄玉清萬壽  
宮使知樞密院事鄧洵門下侍郎薛昂中書侍郎白時



中尚書左丞王黼宣和殿太學士蔡攸並兼充副使渡江後前執政在經筵者不以官高卑率爲觀使若他官則使相已上乃得之其居外者必官至三少乃除淳熙中崇憲靖王自節度使拜使相封郡王中書進熟擬提舉洞霄宮周文忠當制引故事宗室使相外居者當得觀使上批如所請紹熙初趙文定以使相判潼川府乞奉祠乃除醴泉觀使非舊典也開禧末陳勉之以特進罷相不帶職乃亦除觀使蓋章達之侍郎當制失之翊日李季章進呈改提舉洞霄宮合故典矣天禧以前崇觀以後宮觀使之名甚衆渡江以後宮觀不復置而觀

使有三前宰相則得醴泉宗戚則得萬壽又其次則得佑神云宣政間又有提點宮觀官在提舉之下主管之上今省

### 提舉宮觀

宋朝真宗時東西太一宮提舉以兩省兩制丞郎官爲之掌奉齋醮之事天聖七年玉清宮災遂罷使而景靈會靈祥源三宮觀以學士舍人管勾李若谷罷參政爲資政殿大學士提舉會靈觀自是學士待制知制誥皆得爲提舉晏元獻以舊相提舉萬壽觀武臣李端愿止得管勾祥源觀今朝官亦云提舉非故事也



在外宮觀嶽祠

宋朝宮觀皆俟力請而後授侍從而上任宮觀者絕少若因責降改作主管方且差焉熙寧初王安石相異已者方直除宮觀大抵宮觀非自陳而朝廷特差者如降黜之例二年詔杭州洞霄宮亳州明道宮華州雲臺觀建州武夷觀台州崇道觀成都府玉局觀建昌軍仙都觀江州太平觀洪州玉隆觀五嶽廟並依嵩山崇福宮舒州靈仙觀置管勾或提舉提點官四年詔宮觀嶽廟留官一員餘聽如分司致仕例從便居住六年詔卿監職司以上提舉餘官管勾當者又詔年六十以上者乃

聽差毋過兩任兼用執政恩例者通不得過三任後蔡京用事增廣職任崇寧三年添宮觀十政和三年添宮觀三十名見續會要多不錄選人亦許乞嶽廟宣和王黼用事外開新邊以熙寧法革之一切不恤士夫於是失祿矣



國祚數以累年... 革之一財不... 士大夫... 吳夫... 流矣

贈三十... 命... 人... 精... 之... 海... 宜... 味... 王... 謂... 以... 事... 於

志... 凡... 事... 會... 制... 湖... 升... 崇... 寧... 三... 平... 亦... 當... 國... 十... 知... 於... 三... 平... 亦... 官

文獻通考卷第六十





